

天花譜史

目錄

原始篇

審症篇

明治篇

中氣篇

神氣篇

形色篇

標本篇

情理篇

死症篇

交會篇

歲氣篇

部位篇

生死篇

胎毒篇

陰陽篇

血氣篇

毒辨篇

氣血論

自期施治論

辨痘貴嫻論

原痘賦

始熱賦 放苗賦 洛秀賦 成實賦
結靨賦 落痂賦 金鏡賦 節制賦
指南賦

二卷

輕重生死預知章 疎密輕重損存章
氣血不分離散章 報點部位辨問章
駁八卦部位問章 辨平塌陷伏問章
辨夾疔問章 三目問章

疔腫問章

臭爛問章

腫毒臭爛同異章

審內外精粗問章

補託辨難問章

辨虛實用補問章

大人小兒輕重問

婦人出痘問章

安胎問章

痘瘡入目問章

驚搐問章

辨痘喘陽明問章

痘與傷寒用藥問

不可為併惡候問

三卷

589670

SEP 18 1940

氣血毒元氣

看經辨輕重治法

表吐下

聞嘔戾牙

按餘症豐約

攻剝不容岐觀

形色相察

預驗法

治法繩墨

驗寒熱法

發泡

虛實

論眼

論藥遲早輕重決

辨食不食決生死

預決死期

省神色

痘按四季期日

驚論

狂論

嘔吐論

泄瀉論

咬牙寒戰論

痒論

癰論

喉論

喘促論

天花譜史

雲陽邑人冷開泰玄贊甫集

原始篇

原夫嬰兒之形質由父母之精血而成。嬰兒之痘疹由父母之胎毒而成。嬰兒之胎毒又由父母飲食辛辣濕熱之異味而成。曷謂毒中於兒而歸咎於父母飲食之變也。經曰食入於胃散精於肝淫氣於筋食

入於胃。濁氣歸心。淫精於脈。脈氣流經。經氣歸於肺。肺朝百脈。輸精於皮毛。又曰。飲入於胃。遊溢精氣。上輸於脾。脾氣散精。上歸於肺。顧人周身精血之充斥。誰不賴脾胃滋養。調攝而通暢之。所以五味淡薄。不偏嗜。以爽口。則胃氣清。清則臟腑冲和。其精血之膏液。絀緼於胚胎者。毒亦淺。淺則痘疹之為兒患也。必輕。五味醲郁。若階享

以腊毒。則胃氣濁。濁則臟腑積穢。其精血之膏液。醞釀於胚胎者。毒亦深深。則痘疹之為患也。必重。按痘自骨髓出於肝筋。既由血脈出於肌肉。而達於皮毛。從可知矣。毒固基於陽明之穢濁。兒受於胎。而毒是務滋。然痘之所賴以收成。發散者。又安在也。曰。痘以氣血為主。血載毒。氣送毒。痘毒伏氣血而發。故血非氣。則毒不出。而成

內攻氣非血則毒不化而成外刺如是氣
血不交毒不能出不能成漿漿不出何由
收靨。癰至七日自脾傳肺肺主皮毛脾
主肌肉。苟癰自肌肉而達皮毛貫漿充裕
則毒醞醱於中者而始銷鑠於外也。且也
腸胃暴淫之毒不翕聚則不能發散故知
腹痛腰疼嘔吐泄瀉者毒鬱於脾也。煩渴
悶亂驚狂詬語咬牙戰栗唇腫口臭發斑
者毒壅於胃也。內無二經之見症但出而
不快者則是毒滯肌肉也能為治者則升
其鬱導其滯疎其滯使毒盡達於皮膚又
何患其功不成。乳嘗語人曰傷寒初起在
太陽經原無死症以其當汗失汗當下失
下為死矣。癰之初起亦無死症以其當升
不升當散不散變而為死矣。又嘗取諸種
豆之理而言之夫胎毒藏於脾經也亦猶

豆種土中。非其時則寂然不動。必待天時
外鼓。萌芽內生。然後苗而秀。秀而實矣。胎
毒之淺深。猶種粒之多少。種多則苗密。種
少則苗疎。及其成功。全藉氣血。故氣血之
虛實。猶地土之肥瘠也。故土肥則易秀。土
瘠則難實。又有天時之寒溫。歲氣之順逆。
皆不可不察也。故善治者。解其胎毒。和其
血氣。順其天時。則重者可輕。輕者愈全矣。

審症篇

痘之初起。古人以爲類乎傷寒。殊不知傷
寒初起。祇太陽一經之見症。痘原胎毒出
自臟府。是以五臟之症全焉。故面赤腮紅。
睡者中驚悸者心也。呵欠煩悶嘔吐泄瀉。
者脾也。舌重流涕。欬嗽噴嚏者肺也。眼赤
內澁淚常不乾者肝也。耳後有紅絲赤縷。
并耳尻冷者腎也。又看手背肉色與面色。

無異者并眼大皆有紅絲貫入黑珠者真
其驗也。世皆於此不分。例以表藥投之。不
知傷寒原從表入。故宜表散。痘為胎毒藏
之於脾。而傳陽明。以達肌肉。治宜升陽散
鬱。不宜妄攻大陽。以虛其表。且痘之出。形
症有四。虛實有四。又宜辨也。形症之四者。
毒壅、血熱、氣虛、血虛是也。虛實之四者。
表虛、裏實、裏虛、裏實是也。是故報痘稠密。形
不尖鬆。色帶慘暗。隱、皮膚欲出不出者。
毒壅也。報點深紅。漸變焦紫。而夾斑疔者。
名之曰血熱。灰白頂陷。平塌不振者。名之
曰氣虛。色淡根散。或痘色與肉色無異者。
名之曰血虛。身無大熱。肌膚柔嫩。悠悠自
汗者。名之曰表虛。大熱無汗。皮毛焦枯。聲
喘氣粗。面目浮腫。肌肉疼痛。併風寒外襲
者。名之曰表實。飲食減少。嘔吐頻頻。小便

清冷大便溏泄精神困倦者名之曰裏虛
渴欲飲水二便秘澀或飲易消或脹不實
者名之曰裏實其毒壅也血熱也同表裏
之實其血虛也氣虛也同表裏之虛此又
二而一者也故為治者解其毒壅涼其血
熱扶其氣虛滋其血虛疎其表實固其表
虛清其裏實補其裏虛以平為期必以無
傷中氣是其治也

明治篇

痘之八症既明治之四節宜審四節者并
陽散鬱也清熱解毒也托裏行漿也補脾
滲濕也且痘之出也有生長收藏之道焉
故以十二日而成功十二日之間又即之
為四也若其始見點之時痘點稀疏形尖
圓而色明潤磊落如珠根顯粟粒頭面腹
背俱少敷從口角而起作三次出痘出熱

減飲食如常。神清氣爽。二便無阻。易齊易
長。而無夾症者。此輕而順。不必藥也。若見
點稠密。隱隱皮膚。欲出不出。形瑣屑而色
慘暗。或色滯深紅。漸變焦紫。或連肉鋪紅。
火熱不退。敷至四日。而尤不齊。此痘毒內
壅。火鬱不散。治宜升陽散鬱。陽氣升。則毒
隨之而出於藏府。火鬱散。則痘得盡顯於
皮膚。內無留毒。則外易成功。倘治不知此。
則毒不留滯臟腑。則停滯肌肉。難以成功。
起痘之機。在此一節。其端重者。在陽明之
標。其所用者。皆陽明之表藥也。此際切忌
寒涼。使痘冰伏。并遠辛熱。恐痘枯涸。必以
輕清之劑。使痘有生發之機。後無變症。此
初一節之成法也。若其身無大熱。肌膚柔
嫩。自汗悠悠。乍涼乍熱。飲食減少。精神困
倦。吐瀉清冷。痘色灰白。而不振者。此屬氣

虛不能載毒外達。法宜補中益氣使元氣
內實。能託痘外出。則不致內攻也。不然。若
再行升散。則愈虛其表矣。又有積熱一症。
則二便秘澀。唇裂舌坑。內火亢甚。而身反
惡寒。宜急下之。以救其陰。不然。則身發青
藍斑數點而死矣。此症百無一二。不可執
為常法也。痘至四日。氣血漸分。時常小長。
若其痘勢輕順者。則氣歸於內。血附於外。
痘勢尖鬆。大熱已退。神清氣爽。飲食如常。
二便無阻。不必藥也。若其初出。痘毒壅遏。
已行升陽散鬱。與夫大熱不退。內症疊出。
或痘點深紅。欲變焦紫。或火毒內亢。致痘
枯涸。或生雲斑。或生疔毒。急宜清涼解毒。
治在陽明之本。以其此時表氣已和。裡熱
未解。必使熱退十分之八。則自能行漿。若
不解其毒熱。踈其壅滯。則氣血不能交會。

何以成漿乳。若大便秘者。少行通利。使溫熱分消。而無火亢之患。至于灌漿之時。必無踈瀉之變。所謂前結而後泄者也。若其始屬氣虛之症。不宜清涼。惟宜補中益氣。使痘易長耳。痘至七日。氣血乃虛。正當行漿。其治務宜補益。何也。以其原屬氣虛之症。不宜清涼。必重賴參芪。迺可成漿。縱使毒壅火盛之證。亦當補托。以其力行升陽散鬱。次用清涼解毒。而中氣隨之耗散。又氣血外化為膿漿。五臟內虛。不言可知也。不行補託。漿何由滿。毒何由化。若夾寒者。又宜姜附補之。用是溫熱之劑。以助陽氣也。惟其肺有留毒。痘色枯燥。水噎錯喉者。少避參芪耳。此亦初出未行升陽散鬱。使毒停氣道而成耳。其若鬱未解毒者。便於補託藥中。佐以升散。火毒未解者。亦於補

託藥中佐以清涼必使漿濃毒化乃為吉
此此時毒已盡顯皮膚其主在肺不在陽
明也痘至十日適當收靨必從唇口先收
靨厚疤紅身熱尽退飲食進而神氣復乃
為上吉若漿未滿足則殼薄肉白或漿唯
收治宜補脾滲濕少加收斂之劑使止氣
復餘毒消則功成矣此四者治痘之成法
而百世不易之理也

中氣篇

夫痘出之標在於肌肉痘毒之本在於陽
明陽明胃經中氣所主凡痘之出必賴中
氣充實毒出於臟腑故外症雖重內則
中氣充實飲食如常神氣清爽將安重為
輕矣外症雖輕內則中氣虛弱飲食減少
大便清泄神氣不安亦將安輕為重矣故
善為治者務升其下陷導其壅鬱使痘得

宣通毒無內陷切忌寒涼以傷胃氣而伐其生發之源也故升陽散鬱湯為胃氣壅滯清陽不升之劑也補中益氣湯為中氣虛弱毒欲陷者之藥也一以導壅一以扶中不可不辨也

神氣篇

時師之見泥於形色殊不知形色變遷由於內託故外症雖輕內則神氣昏亂睡臥不寧飲食不入夾症疊出定將生變蓋目痘毒停毒停留藏府擾乎神氣故痘標雖輕其毒不能尽洩於外則將攻於內矣又或火毒未解亢盛於中故神氣為之不安不旋踵而變為枯涸矣若其外症雖重內則神氣清爽睡臥安寧此則毒已出於藏府或為鬱熱不疎或為風寒外襲致毒停留肌肉之間不能尽達於標故痘或不起

脹或不成漿或氣血未交而毒不化以藥
攻之必能復振或發腫毒或作臭爛而收
功也以此規之則形之與色烏能恃哉故
知神與氣痘之本也形與色痘之標也善
治者必求乎本本治而末自從矣

形色篇

察痘之精在審內疵察痘之粗在規形色
形色者以其有諸中必形諸外也故形欲
稀疎不欲稠密欲員整不欲瑣屑欲輕鬆
不欲壅滯欲尖聳不欲平塌欲凸起不欲
陷下如珠如粟而肥滑者形之善者也如
赭如疥如麻痺如蚕種如火刺如湯泡如
蚤班蚊點者形之不善者也痘者以其形
類豆而名之也故肖豆則生不肖豈則死
矣色欲明潤不欲慘暗欲紅活不欲焦枯
欲蒼老不欲嬌嫩欲光澤不欲毛刺白不

欲灰而不明。紅不欲赤而過紫。欲其紅白
兩分。不欲氣血混一。其紅如桃花。白如蠟
色之善者也。其白如膩粉。枯骨并黑紫青
藍者。色之不善者也。故其生之色也。如春
花之在露。其死之色也。如秋草之經霜。死
生形色不同。要在得心而應目也。

標本篇

痘家之要在內審神氣。外觀形色。兩者而
而已。故形色順無內症者吉。此人所共知。
形色不順有內症者凶。亦人所共知。若智
者之觀。則審內可以知外。見外可以知內。
如形色順內症重者。將欲安輕為重也。形
色不順內症輕者。將欲安重為輕也。此以
內症為內。而形色為標也。至若形色果順。
尖員明潤。并血附氣。婦漿膿毒化。雖有內
症。亦不生。安以其形色既順。又能成漿。不

爲毒雖於中雖有內疔必有他疔干之宜
審別三陰耳故曰觀外亦可以知內也

情埋篇

嘗玩痘疹多屬於火曾謂一火字可以盡
痘疹之情顧其慘暗者烟之象也枯黑者
炭之象也素白者灰之象也又一火字可
以得治痘之理故初作鬱火次作實火次
作虛火則一火字可以得其至情終其變
化熟測之哉

死症篇

古人有言焉於可爲之時則從焉於不可
爲之時則去焉竊謂痘之初出原無死候皆
由鬱熱不宣毒擁於中害乎臟腑擾乎神
明而遂安焉死矣夫禍旣成已難措手縱
有智者何可爲哉亦有數症一登即成逆
候此又若兩感傷寒必不免於死也今舉

形症二十餘條以備考也。設其初出密如蚕種者如虱斑蚊點者如火刺湯泡者身發青藍斑者身如被杖者淡白而無血色者唇腫口臭而斑發者氣血壅滯不分者青乾黑陷者粉白如枯骨者痘色不正而驚狂不止腰腹疼不已者胸高氣喘作瀉不止者氣血離散者內攻外刺者空瘡擦破而無膿血者豪頭鎖項斷腰無脈者痘前失血痘後發驚狂者疔腫生於耳門太陽與心胸者皆為不治之症也。

交會篇

蓋自兩儀初判陰陽始分清輕為天重濁為地天地相依萬物乃成人稟天地之正得陰陽之和故其氣血浮沉無不肖乎天地法乎陰陽也故痘之出必藉陽明血氣以成功氣血之分猶陰陽清濁各親乎上

下也。氣血之交。猶天之與地。各相依附也。今當分不分者。是毒結之也。當交不交者。是毒隔之也。故其鬱毒未解。則氣血毒三。者結而不分。火毒未清。則氣血隔而不會。且火氣炎盛。則氣血流而不守矣。此皆治之無方。而使陰陽失位也。苟知升陽散鬱者。必無氣血不分之患。知清熱解毒者。必無氣血離散之患。世皆知其死之形。而不知其所以死之理。無預防之術。卒致禍成。莫救也。悲夫。

歲氣篇

夫胎毒之淺深。可以知疎密。中氣之虛實。可以知輕重。歲氣之順逆。可以知死生。故吉年之痘。雖凶亦吉。凶年之痘。吉而亦凶。故歲氣順。則痘出百不損一二。豈其皆胎毒淺。而中氣實者乎。蓋得其時也。歲氣逆。

則百不存一二。豈其皆胎毒深而中氣虛者乎。蓋失其時也。故彼此形症相似者。治在無乎。藏氣也。按彼此鬱而不出者。木鬱勝也。彼此洄而不起者。火鬱勝也。彼此肉浮腫者。土鬱勝也。彼此燥而枯者。金鬱勝也。彼此凝而伏者。水鬱勝也。於是木鬱則發之。火鬱則清之。土鬱則平之。金鬱則潤之。水鬱則溫之。皆責之於症。不必求於經也。又天氣炎蒸。用藥必資清解。天氣嚴寒。用藥必資溫散。此皆必先藏氣。無伐天和之道也。

部位篇

凡痘之見點。必先從唇口為始。夫唇口陽明絡也。痘瘡喘重。陽明故宜先從唇口間見。則知無壅鬱之患矣。若處他部先敷。則是本經壅甚。後必多。之急宜導陽明之壅。

庶可轉吉。此經絡之分。非部位之辨也。今人不知其本。惟以部位辨吉凶。又無轉移之術。亦何補哉。

生死篇

痘出之初。熱輕則痘亦輕。熱重則痘亦重。見點大則痘稀。見點細則痘密。發熱而神氣不減者。輕。發熱而神氣昏亂者。危。死又有死之日。死之由皆不可不知也。故痘點鬱而不出。三日死。出而不尽。渾不長者。六日死。稍見小長。而無漿路者。九日死。稍見漿路。而不尽漿者。十二日死。不成痂者。十五日死。凡內攻并氣血離散之症。而多死於十二日之間。原痘得成功。本於此。日外既不成漿。其毒止於此。尽攻於內而死也。內攻而喘者。鬱毒勝也。內攻而黑陷者。火毒勝也。內攻而作瀉者。溫毒勝也。又溫毒

陷於脾者。先瀉而後調也。溫毒壅于胃者。先利而後泄也。此皆不易之理。

胎毒篇

俗云痘毒係乎胎毒。然生熱傳胎。生兒口禁。風冷傳胎。生兒嘔啼。中梅毒而後瘡。即生中火毒而丹疹隨發。此胎毒不俟歲氣而發。且甚逆。獨痘疹必俟歲氣而發。有遲速淺深。大相懸絕者。何也。蓋毒有先天後天。前所云毒者。不過母之寒熱飲食所侵。七情六慾所感受於有形之後。後天之毒也。在母腹則無所感。而蓄於中。出母腹則隨所触而外。忽發。故不俟歲氣而發。洵惟痘疹之毒。父母交會之際。隨遇此年運氣淫溢勝復之候。淫火中中六氣之變。此先天之毒。伏於無形之始。故必待歲氣之触而後發也。然既中天地五行六氣之毒。則

五臟俱有。又藏于何臟。以待時發。我蓋金
木水火不能藏物。惟土能藏物。此痘毒亦
藏於脾胃之間。必待燥溫火熱流行歲候。
以此年淫溢勝復之氣。触彼年所中之毒。
內被外触。然後毒發。渾如疫癘。某年中當
某年發也。藏毒之說。詳具原始篇中。

陰陽篇

痘毒動於陰。分賴陽氣升提。沉陰出於陽。
分而解。不可損氣。陷陽。麻毒動于陽。分賴
陰血滋潤。浮陽解於陰。分而化。不可損血。
燥陰。痘毒之成功。賴氣。癰毒之成功。賴血。
此之謂也。

血氣篇

無形者。依有形。有形者。附無形。互相依附。
固天地之道。亦氣血之道也。然則氣之離
不由血之散乎。故自氣血既交之後。當視

痘之根。暈粗緊紅活。以為生意。苟清散不
斂。細微不彰。則氣失其依。將飛越而却。不
能化毒也。必矣。是以內攻而根散者。其死
無疑。內攻而根猶然附者。非毒為隙。蓋三
日所致耳。豈可例為凶。斷哉。嘗讀老氏書。
至高者抑之。下者舉之。有餘者損之。不足
者補之。深有得於醫焉。夫人之為病。不由
六氣外襲。則是血氣內虛。而藥之者。以其
有通秘解結之能。濟困扶危之效。治痘亦
然。故鬱者宣之。壅者導之。結者散之。滯者
行之。秘者通之。寒者溫之。熱者清之。實者
平之。虛者補之。斂者散之。泄者收之。下陷
者升之。提之。滑脫者補之。溢之。無太過與
不及。以平為期。無虛虛。無實實。以平為期。
而必歸乎中正。以之治病。則病愈。治身。則
身正。治天下。則天下平。古稱上医、國其

信然乎

毒辨篇

或問曰予聞事不師古無以法永世今子
立言不曰痘本父母之淫火歸於命門而
曰受父母飲食氣味之毒藏於脾經與古
語得無異乎曰先儒有言不求同俗而求
同理故理同者進之俗同者出之且淫火
之說理豈同哉是俗同也予独不觀夫易
曰天地絪縕萬物化醇男女構精萬物化
生然則構精之際始乎淫火既以絪縕焉
天地中和之氣則淫火是男女生物之机
苟有若然之毒藏于其間則萬物何得以
有生哉且痘疹一症古所未有又少行于
西北而盛於東南倘必歸之淫火則古今
南北之異何所別哉故知東南水土卑濕
而飲食之氣亦滯濕氣人之有生必賴水

土飲食之氣以養。故其濕熱侵襲於脾。復遇濕熱流行冲動而作矣。且舉五行之性。言則金堅而不能受物。火受物則物焚。木受物則物蠹。水受物則物腐。惟土能受物而藏之。又能生植而使之成實。痘類生物而有四時之象焉。故敷出也。象春茂盛。象夏成實。象秋收藏。象冬皆本乎飲食四時之氣。有生長收藏之道。古人於此未達至理。目見痘之始熱。類乎太陽傷寒。便指膀胱壬水尅乎太陽丙火。淫火之說。或自此始。殊不知痘疹之熱。由痘毒內作鬱遏陽氣而成。正如東垣所謂飲食內傷發熱。似乎傷寒。而實不干於太陽也。是以古人胎禁務謹飲食。又謂食雀卵者子多淫。食兔肉者子缺唇。雖不盡然。亦豈無目哉。故內飲食之毒藏於脾經。只一言可以破千。

古之述文。奚必師古今為耶。

氣血論

痘形屬氣。痘色屬血。氣交則頂窠白潤。硬
突尖員。氣不交則塌濶陷平。寬軟倒皺。血
交則根脹紅活。稟淨粗員。血不交則摸過
紅無。全無紅暈。故氣血交會者。如一顆珠
珠。放在胭脂中。高聳白於上。見氣升而導
光澤紅於下。見血附而平也。氣血不交會
者。如一潭淡銀球。點在白絛上。平塌不能

冲於上。見氣失其剏。潰散不能圉於下。見血失其柔也。若氣至而血不至者。雖起發而根窠不肥。血至而氣不至者。雖朗潤而郭廓不長。蛇皮蚕殼。血涸之象。蚊跡蚤斑。氣竭之形。氣過則泡。血過則斑。是故氣之虛寒。則項陷不起。摸不堅實。拳不碍手。形不起。脹血之虛寒。則根窠淡白。或潰或細。或亂或無。痘上如寒毛豎起。枯澁不活。宜用參朮以補氣。芎歸以補血。肉桂以溫寒。六日後寒多。可加丁香。溫內。磨入木香。以行氣。或木香異攻。輕重而用之。則內外溫。和氣血調暢。痘自紅活矣。氣之實熱。則項窠黑陷。黑點頭焦。血之實熱。則根窠紫黑。乾滯焦枯。為斑為疔。故用防風白芷。蟬退。紅花。木通。紫艸。燈草。苓連之類。解毒涼血。清氣。小無比。大。是丹。以退熱。大成散。烏金。

膏以退紫。發痘重磨犀角汁冲入。熱猶不解者。用大無比一錢。內加冰片一二分。并水調下。不效。再加以平為期。大拉寒為虛。熱為實。氣虛寒不宜溫補。氣實熱則宜清涼。血虛則補血。熱則涼血。必使氣血中和。不致太過不及可也。

表裏論

凡療痘瘡。先分表裏虛實。若虛實不分。則無所施治。如表虛易出。難靨。表實難出。易收。裏出。實則出輕。而快。裏虛則發重。而遲。表裏俱虛。則易出。難靨。表裏俱實。則難出。易痂。此緊言也。若頭溫足冷。目白面青。手足厥逆。自汗身涼。怠惰好臥。怕風惡寒。毫毛豎起。寒熱往來。脈浮遲細弱。皆表寒而虛。神靜氣冷。唇白涕清。嘔吐洩瀉。不渴少食。六不化。小便清利。大便稀瀉。倦怠昏

睡肌沉細而遲皆重寒而虛在痘則水伏
不長灰白錫光皮薄有孔流水漏漿斑爛
外剝靨薄無痂此表裏虛寒之症急宜溫
脾胃補氣血表用人參託裏、用附子
埋中表裏用水香異攻常看痘變紅綻飯
食如常大便堅固為寧過此不治氣血衰
弱六日之後當灌不灌灰白陷伏或外雖
起而內則乾空或畧有清水而不滿足延
至十二日不能成痂痒塌喘渴而死或半
月念一日而後死以正不勝邪延久則愈
虛愈寒盡氣不能外泄乘虛內攻故死遲
也夫表虛者以補氣為主而補血次之裏
虛者於補血之中略加補氣苟能補氣而
脾胃自強胃氣隨暢在後必無陷伏之憂
既能補血則氣血周流送盡出盡不致凝
滯在後必無痒塌之患世但知表虛不補

則成外剝。裏虛不補。則成內攻。而不知表
虛不補。為灰白。倒靨。瘡塌陷。疔。裏虛不補。
為洩瀉。不食。口鼻少氣之症。若頭面身疼。
面赤唇焦。眼黃鼻塞。膚燥毛焦。壯熱無汗。
手摸肉疼。脈浮數實。大皆表熱。而實神亂。
氣熱。唇燥。鼻乾。欬嗽喘促。目流熱泪。而赤。
喉痛舌胎。詘狂驚搐。渴飲躁煩。睡臥不寧。
上下失血。小便赤澀。大便秘結。腹脹不食。
脈沉實而數。皆裏熱。而病在瘡。則紅紫乾
滯。黑陷焦枯。斑疔皮厚。此表裏實熱之症。
急宜涼血解毒。當歸赤芍。乾葛。防風。紫艸。
荊芥。紅花。丹皮。升麻。蟬退。牛子。秦連。輕清
之劑。重磨犀角汁。加大成散三五分。祛而
出之。看身漸溫。無大熱。根安鮮紅。無紫滯。
為度。此時不早退熱解毒。至六七日。變紫
黑而死。以毒盛不能尽出。內燬藏府。故死。

速也。如表熱者則宜清涼解表而分利次之。裏熱者則重於解表而無清涼。或在三五日之前。毒熱盛者下之。亦可蓋涼血不致紅紫。解毒則免黑陷也。但知表實過補則不結。裏重實過補則發瘡。毒而不知表實不解。為青紫焦枯黑陷之症。安裏實不洩。為喘渴煩亂咽痛。噎噎失血之災。危故施治之際不可不辨也。

日期施治論

夫瘡由中以達外。用藥日期而安通。以其常而言之。發熱三日而後見標。出齊三日而後起脹。蒸長三日而後行漿。膿滿三日而足。回水然後結痂。結膿三日而落痂。為發熱之初。耳尻中指俱冷。耳後起紅熱。呵欠噴嚏。眼目困倦。兩顴之間有紅紋。見六脈洪大。診候之際。身體微、戰動者。預知

其為痘也。發熱一二三日。當解表。託裏。使其易出。亦有氣弱而不能出者。當微補其氣。和則出快。初不可用瀉。恐湊裏一密。則痘難出也。四五六日。以清涼解毒為主。使其易長。清涼則無血熱枯燥之患。解毒則無壅滯黑陷之患。七八九日。以託裏排膿為主。治法當溫補氣血。使其易成膿。十與十一二日。以收斂清利為主。夫和氣血。補脾利水。使其易屬。此始終之大法也。雖然常者可以。而妄者不可以。亦有先期而遲後期而速。當隨候察詳。安可執一以應無窮之變哉。凡見紅點之時。如痘輕。不可過表。在後恐成癰爛。或乾紅紫色。急宜疎利。不然在後必成黑陷。盡未盡出而清涼。則痘凝滯而難出。熱未盡解而溫補。則盡蘊蓄而難漿。故三四日之內。痘出至足。

心為齊。苟未盡出。于解盡之中。宜無餘毒。若專於寒涼。則痘遲滯不出。七八日之間。盡未盡解。于溫補之中。又無解毒。若偏于燥劑。則盡盛不能化漿也。十一二日之間。漿未滿足。必大補氣血。略無解餘毒。不然恐有癰毒。盡之患。此交通之妙。要在隨時則宜也。

辨痘貴嫌論

凡痘出形貴員淨。而嫌破碎。貴高聳。而嫌平塌。貴約束。而嫌寬軟。貴完固。而嫌陷離。色貴潤澤。而嫌昏暗。貴光彩。而嫌枯淡。貴淡紅。而嫌黑滯。皮貴實厚。而嫌虛薄。貴緻密。而嫌滲漏。根貴粗隆。而嫌細散。貴明潤。而嫌昏暗。貴紅活。而嫌紫黑。膿貴渾混。而嫌清淡。貴飽滿。而嫌乾空。貴黑暗。而嫌光洞。貴厚突。而嫌薄塌。貴紫潤。而嫌焦

黑麻貴拖紅而嫌光潤粉白貴光潤而嫌
赤紫出要容差血宜歸附根竅收緊痘分
陰陽見點活動更忌浮腫耳後頸項心胸
少於他處為佳眉後兩額額前光潤不滯
為妙又痘疤光明者氣血旺也慘暗者氣
血衰也氣旺而血得其令氣衰而血被其
囚血非氣則盡不收氣非血則盡不化血
非氣束鎖則不能成根脚此六日目前也氣

非血濡潤則不能成膿漿此六日後也又

無根脚必不灌膿蓋根脚屬血也色之紅

者即初出毒始出也白者即血化毒未解

也黃者即膿化毒將解也乾黃者即膿成

也者盡解也灰白者血氣衰滯也焦褐者

氣血枯也黑者毒滯而血乾也紅安白

安黃者生紅安紫血熱紫安黑者死也

解不

原痘賦

痘本胎毒。號曰天瘡。傳染由於外感。輕重
過於內傷。外起太陽。壬水尅乎丙火。後喘
陽明。血水化為膿漿。所喜者紅活滋潤。所
畏者黑陷與黃。勢若燒眉。變如反掌。皮膚
臭燥。氣血狼狽。若救焚兮。從薪何如。燒額
似救溺兮。落井不及。褰裳原夫。一元肇化。
一橐成祥。慈火動而妄作。胎毒熾而流殃。

啼聲驟發穢毒深藏命門養虎胎戶收鎗
時四時之疫癘動五臟之皮囊榮氣入於
內裏惡氣發於腠腧二火相煽四火成瘡
毒之輕者發之微貴乎調養毒之重者發
之甚急於隄防至若歲運推遷猶如剝復
升降時令乖易無非寒熱溫涼苟陰陽之
逆理為氣候之反常五行鬱而災見九曜
空而變張厲氣流行不論群邑鄉黨惡毒
傳染豈分繁庶候玉此則不形於脈貴在
能治其方先事解散者十全八九臨時區
出等筭為尋常大抵氣運先歲瘡疹屬陽
春夏為順者樂其生長秋冬為逆者惡其
收藏暴寒者恐邪毒之遏鬱暴熱者慮腠
裏之開張膿泡春而莫療黑陷夏而為殃
秋斑慮惡冬疹非祥此乃四時之令休誇
三世之方知其函而治之自求怨謗明其

吉而往也。得號腎良。且如症候殊形。臟腑
異狀。肝主淚而水泄。肺主涕而膿漿。心主
紅艷。脾主赤黃。惟腎經之無病。為安黑而
可防。所以觀其外症。目而推其內臟。呵欠
頓悶。多肝木之目。欬嗽噴涕。多肺金之象。
手足稍冷而昏睡。多脾土困於中央。面目
帶赤而驚悸。多心火炎於膈上。耳尻屬腎。
溫暖如常。二處灼熱。多下極火炎。而必斃。
四肢厥冷。多中州土敗。而須山先分部位。
次察災祥。陽明布於面中。太陽形於額上。
心肺居胸膈之內。肝胆居脇肋之旁。手足
司乎脾胃。腰背統乎膀胱。外症分明。用心
想像。泄瀉者。邪盛於下。嘔吐者。邪盛於上。
氣逆而腹疼隱。毒盛而腰痛惶。心熱
甚而驚搖。脾邪熱而顛狂。口燥咽乾。肺以
火邪而液竭。尿鞭溺澀。腎目火旺而精亡。

氣弱少食者不任其毒。脾強能食者不失其常。欲決輕重。但見發熱如占順逆。須認成瘡。毒盛兮身如炎火。勢微兮体或清涼。若寒熱之往來。定朕兆之佳祥。數番旋出。春回寒谷。一臂湧出。火烈焜岡。蚊迹蚤斑。剝期而登。鬼錄。蛇皮。蚕殼。引日而返。泉鄉。不喜朱紅。更嫌灰白。最宜蒼蠟。切忌紫黃。常要明潤。恐薄嫩之易破。豈容乾枯。又搔痒之難當。要候觀形。上工審詳。面頰稀而磊落。清安可保。胸膈密而連串。凶吉難量。頂要尖圓。不平宜平。陷漿宜飽。滿切忌空痒。色宜老而愁嫩。膚愛糙而怕光。微起根窠。終防痒塌。丹浮皮肉。必主殃傷。頭面預腫。三陽亢甚。手足厥冷。五臟推傷。瘡堆喉舌。毒纏鎖項。咽喉痛而呼吸則難。飲食少而吞吐則噎。此天命之安。

排。豈人力之倚伏。煩躁悶亂。五神離散。訖語眩冒。五毒猖狂。鼓頷戰慄。肺敗咬牙。鼻齩。胃強。渴不住。焦膈泄不止。滑腹失聲。咽燥。吼氣。腹脹。晝夜抓搔。爭時榮氣之外。腕飲食斷絕。必胃氣之中傷。腫忽消而毒歸於內。色變黑而疔起於瘡。食穀則噦。在人之大害。飲水則噴。較醫之短長。輕重反覆。調理乖張。輕安重而可畏。重變輕而莫懼。風寒素護。飲食如常。出入禁乎男女。蓋覆違其寒涼。內無妄動。治之不妨。此則變輕之候。寔為保命之良。若或常犯乎禁忌。或誤服乎丸湯。徒自肆其房室。不知順其陰陽。外感不正之氣。內傷不時之糧。平人且病。患者曷當是以順則險。而險則逆。宜乎輕者重而重者止。發自肺經。相連脾臟。氣熱味辛。燥金

受尅形寒飲冷華蓋先傷。浩飲則水來侮
土而成瀉痢。過食則脾不消穀而作痞脹。
皮毛虛損肌肉羸瘦。發起遲而不能胖壯。
收斂緩而反作膿漿。輕則綿延乎時日。重
則泣送乎郊鄉。何愚夫之不曉。致生命之
早亡。不信醫而祝諸鬼神。枉殺生而難乎
穹蒼。藥貴中病。醫不執方。喜行溫補者。動
稱乎文仲。專行涼解者。祖述乎仲陽。孰知
因人而治。毋虛虛毋實實。相時而行。必遠
熱必遠涼。正氣為先。鮮開門而延寇。解毒
為急。休視虎以為狼。首尾不宜汗下。治
之要畧。緩急各宜權度。法之經常。執其
程墨者。如守株之待兔。惑於方書者。似多
岐之亡羊。且如紅紫掀腫。涼血為尚。灰
白平塌者。補氣最良。出不快。責表熱而
發散可用。便或秘。責裏熱而疎導何妨。

毒不能以速散。毒盛者，令微汗之，發越熱，不可以尽除。熱劇者，使小便之清長。三陰盛而多寒者，必投辛熱。三陽數而多熱者，無過苦涼。安可惡寒而喜熱？莫執貴陰而賤陽。是故補氣者參、苓、白朮，養血者歸、芍、地黃，發散表邪，輕柴、葛而重官桂，疎通裏實，微枳、殼而甚大黃。解毒者黃連、梔子，快經者剉附、牛黃。連翹、瘡中之要領，耳、肝藥中之君。玉咽痛求諸甘，搗頭腫取夫剉防。木通利其小便，人尿救其黑瘡。氣逆者青皮，陳皮、胃寒者丁香、木香。泄瀉莫如訶、藹，嘔吐無過橘、姜。門冬、乾葛而止渴，厚朴、腹皮而治脹。五味、杏仁，傷風者以之定喘。山查、枳實，善食者用之消糧。良工司命，推測隱之慈心。神物効靈，起沉疴於反掌。其諸藥味，各有主張。春夏桂、姜而少服，秋冬苓、

連而莫當。瘡若乾枯。白朮非其所益。色如
紅艷黃立起。其攸良。裏虛少食。勿投枳
實。表虛多盡。休使生薑。汗自出。用乾
薑重虛其表。搜自數。加水通再。虧其陽。
泄瀉酸臭。訶寇不可以遽止。嘔吐清冷。
連施安可以作湯。凡用苓連。必須炒製。如
加丁桂。為假寒涼。應制服而不誅其過。得
平和而保壽無疆。大熱苦寒。餘邪須講。毒
氣流肝。多變暗出。醫火邪入脾。四肢成
瘡。口内生瘡。爛齦破。舌腹中作利。腐
肉敗腸。皮膚嫩而洗浴太早。日添餘毒。臍
腑虛而肥耳太過。遂生內傷。若中風寒多
為欬嗽。無時掣搦。即灌蝕瘡。即多異症。亦
有奇方。寶月砂退翳有準。山甲鱗排毒無
礙。枳實麩芽山查子消宿食而剋化。生地
柴膏地骨皮解餘毒以清涼。欬嗽以款冬。

杏仁。痢疾以黃連木香。苦參主乎熱毒。痢
白治於痢瘡。用之合宜。工為可良。嗟夫。惟
此症候。勢非尋常。外纏皮肉。內連腑臟。改
換形容。如蛇脫皮。龍退骨。淋漓膿血。若蚓
在灰。鱗在湯。軒岐制而未言。秦漢棄而無
方。古無其疾。或云。起於漢武。今有是症。相
傳得於南陽。拘於日數者。不知輕重之病。
孰其偏見者。罔察虛實之應。本溫又熱。已
寒又涼。徒自膠而不安。致斯民而見洩洩。
骨髓之真詮。非子孫而不示。授肺腑之秘
的。牢記誦而莫忘。

始熱賦

初發悠悠。身熱尤宜。氣息和平。二便如常。
而容不改。無之睡臥安寧。便見痘來。順候。
肌色青而皃白。精神少而倦怠。此症斷作
虛者。痘出決然不振。再見便澹。喁乳。只須

補益為先。若還熱盛而氣粗煩躁而不寧。
詬言狂語。均為內熱。如加喘滿腹脹。胎黃。
唇紅。便秘。須知熱壅。肌膚燥而毛色焦口。
氣熱而身燔灼。此則蓄熱鬱遏。內疔固重。
而外疔尤烈。腹脹口張而喘急。啼聲不絕。
而嘔噎五竅不通。須防失血。點來隱隱出。
恐復顛吐乳。更見割眼面青。又見搖頭狂。
亂不生。發驚先兆。是故熱甚者。只宜清涼。
發散。不宜峻用。若寒發散。則毒得外出。而
熱自解。若寒則毒反冰伏。而出愈難。故發
散之劑。輕則加升麻。乾葛。以疎其熱。而煩
躁壯盛者。非此何以定其標。重則用麻黃。
以開其壅。而喘急腹脹者。非此何以救其
危。未萌先泄。有熱疔莫作虛看。無熱疔便
宜虛論。止熱泄以清涼。重加發散。治虛瀉
宜溫補。仍用開提。是以內虛誤用寒涼。不

特助伊作瀉。實熱如投補劑。只恐轉增煩。
劇。安靜而能食。勿謂便實而可下。泄瀉而
煩渴。莫言熱症以投涼。

放苗賦

嘗謂痘初見點。便觀顏色榮枯。一來遂覺
粗肥。稀疎可必。初發如還瑣屑。緊密堪知。
帶熱敷瘡。陸續出來。雖甚密。尤為可救。一
齊擁出。掀紅皮薄。縱希疎。未必全生。細細
白頭如瘡。乾枯後作內攻形。哦哦紅點如
丹。焦萎定成焦悴勢。粗肥逢頂點子不紅。
終白陷。頭尖皮薄。茱萸紋起。定空漿。肌嫩
則皮薄。嬌紅黃瘦。則痘成褐。色人黑皮。麗
瘡色必然慘暗。是故嬰童之肌肉不同。未
可一例而斷。只要綻凸有神。不喜煩紅。乾
燥色澤神安。見點如珠如粟。毛焦皮燥。敷
瘡或紫或焦。是雖帶熱。齊出。只恐密似針。

頭縱然陸續出來尤忌形如蚕種如焚如
瘡如疹如疥根窠不立脚地俱無犯此數
端皆云莫救夾斑如同蚊咬惡烈勝似蛇
傷乃或螺螄雲電此際差為可救未熟先
敷數點俗名報痘若還熱久不敷便作疔
看先發塊而後發瘡瘡名痴毒而必生先
發瘡而後發塊塊名鬼腫以難差避於痘
避於隱僻眼胞唇肋必多小悶痘悶於要
處舌喉胸背而不吉順不增多逆癰一點
冷疔先見諸瘡誰敢彰形賊痘若生諸瘡
不能灌汁辨真若真急宜別破是以重疔
未平毒雖出而毒尤在內透肌發散尤加
解毒為良便調人靜身雖熱而毒已在表
補無發散仍以安表為先設使內外疔平
此候不須過治再看精神勇怯審詳表裏
何如

癸秀賦

三日四日痘出當齊點至足心勢方安定
尤有陸續不出之狀或隱、於皮膚之內
不見起發古名不快若非風寒壅遏之目
必有氣虛不振之過是以四日已前毒痘
毒方出^溫身表宜涼四日已後毒出已定身
表宜涼則氣血和平痘色必然潤澤溫則
腠裏開通其毒易以成漿故至此而身不
微熱雖未必至於冰伏而痘瘡斷乎不長
四五日來血泡包已成候當肥大而粗頂
宜發光而白故根紅而頂白者已具行漿
之勢若還赤色過頭雖見嬌紅可愛涎綿
六日依然空殼虛花皮薄而光亮如燈內
含是水頂尖而根脚不紅行漿是實是以
毒熱盛而未解則為紫為黑壅而不起則
為陷為塌滯而不榮則為乾為枯為青為

所怯而不振則為不快。為停漿。或有肉先
腫脹而痘反不起者。漿則滯而不行。面已
虛浮而痘反退伏者。毒則遏而不進。故身
不熱而痘不起。已成冰硬之形。赤色若還
不變。溫之可興。氣血弱而痘不振。遂成不
快之狀。紅潤依然如舊。補之可痊。紫色乾
枯。切忌溫中帶補。只宜活血鬆肌。為壅遏
滯。烈藥雖然可痊。透肌尤是良方。瀉泄惟
於溫補。瀉甚佐以升提。

成實賦

六七日之期。順候漿行。半足虛瘡。方見分
明。毒重而壅遏者。乾枯退縮。氣盛而嫩。祭
者。飽滿光榮。頭面行漿。而四肢未起。見之
切莫慌張。腿脰發泡。而臉額焦枯。若此且
休歡喜。既已惧其發瘡。且又慮其喘急。飲
食不多。或至臟虛而內陷。水漿頻進。恐來

洩瀉而復顛。調理失宜。倒戈反掌。熱盛渴
煩。到此休依實論。再加澹泄。此時只作虛
看。黑紫乾枯。急收。或生。氣虛塌陷。重
溫補。而幸活。發瘡。愁其失聲。喘急。恐其腹
脹。瘡或白而少神。根雖紅而莫治。皮不起
而離窠。腳雖赤而難生。淡白而塌潤。此內
必無漿汁。皮薄而嬌紅。有漿。亦是清稀。犯
此四端。八九日必然發瘡。若還壯熱。燎人
不痒。定行乾燥。紫色乾枯。不須著眼。中凝
血。迹。或可倖成。漿既行而半足。時則未易
收斂。候爾一齊紫黑。此則名曰倒靨。請君
莫認誤。為結痂。攻發。若得其宜。倒靨猶堪
復活。補空。發點。行漿。危病也。當又治。若見
氣急而腹脹。黃泉在通。失聲而淒淒。陽數
無幾。

痘出八九日間已結乾紅痂。如或少生
不順。至此方作膿。竅順則行漿。飽滿是以
次第收成。若遇身重。發熱成漿。不易結痂。
此則陽亢陰虛。引以清涼。收斂漿足。氣促
恐目熱。擁而然。忽爾發驚。或由小便秘結。
再見氣虛而陷。塌又或倒靨而黑焦。一則
溫補可興。一則攻發可活。洩瀉安寧。大虛
少毒。肺寒則下痢膿粘。臟毒則必然便血。
挫喉。聲啞。漿行飽滿。亦無妨。塌痒咬牙。便
實。聲清。尤可治。靨來痂硬。變終無。疔脫如
麩。須愁餘毒。攻發或致太過。潰爛難行。收
拾身熱。若見燎人。泡發。潦漿可畏。空貽痘
殼。不成痂。只為漿清毒重。腹脹喘呼。而塌
靨。皆目毒入內攻。出來不貫黃漿。痂疔猶
如血赤。若曾解毒於先。此疔斷乎極美。胃
氣絕。則口唇硬腫。肝熱盛。則目睛吊白。喘

急於瀉後總是氣虛而作便秘結以渴煩豈為實熱而然洩瀉而煩渴不止理必可以升提好飲而發渴愈甚勢必難以援救氣虛寒戰痘瘡無恙即溫經漿足難收便實熱蒸須解利進清涼以助結痂進清涼以助結痂此補法而防過益斟酌合宜庶幾後効

落痂賦

痘成痂痂雖云生意已成其八九餘毒爰邊難恃圓滿全保以無虞是故眼合腹脹猶臨危扣虛浮不退尚懼凶咎痂或成而反致失聲前痂恐為黑靨腫未消而眼已先開眼開疑是內攻陽氣極而狂叫喘呼腸胃傷而嘔、不寧以致風冷入胃則利下膿粘熱滲膀胱則小便尿血熱毒逗遛不化結痂而壯熱憎寒經絡各遺餘毒日

哺而潮熱往來。發在午前為實。症煩渴。腮
紅。申過方作。是陰虛。便調減食。撮唇弄舌。
心經熱盛。何疑。扶肚攪胸。肺胃壅冲。有准。
身熱燎人。便秘。恐成暴急。驚風。悠悠潮熱。
便澹。久變慢脾風。搖。驗喪明於眼。合羞明。
辨口疳於唇焦。顴黑。實熱下注。大腸必有。
秘結之禍。虛寒客留。臟內。乃成泄瀉之病。
喘渴須分虛實。驗症切勿差訛。欲觀痼落
之餘。再審癰瘰之色。拖紅光澤。榮衛俱安。
黑紫乾焦。尚留風熱。粉白為虛。血之虛。週
過也。應深逝走馬快牙疳之烈。月餘。未見
長驅。遍體赤斑。乃是失於解和。渾身青紫。
恐為風寒所吹。餘毒未消。不特為疽。為癰。
見風太早。尤防復發。瘡癩。

金鏡賦

痘毒未出之初。宜開和解之門。既出之後。

急行解毒清涼行漿之階當塞走泄之路
是故壯熱腮紅便服升葛面青神緩急進
參蘇氣粗熱壅心煩燥便秘便須和解升
升葛方穀前羌防芷柴芩絕勝喘呼腹脹
眼胞浮肌燥急宜疎散麻黃乾葛為升麻
升葛鼠粘最宜及夫痘出之門既開則熱
蒸之毒自解未見點前唯茲一法既敷瘡
後別有奇方稀疎而氣血和平須知安表
和中之理歸芎為藥芩升木腹並益元湯
繁密而不勝重任當識內外分消之妙荆
翹歸地芍紅芎通小連翹飯瘡來赤色焦
枯用爾清涼解毒若見紅斑赤紫芩連犀
柏同施身熱燎人乾葛前胡並用氣粗腹
脹蟬退枳腹木通色來紅潤宜去剉翹二
便泄清生地免入再加白朮茯苓自古名
為平劑精神倦而飲食少進以人參出不

快而痘不振無乎查晚初覺繁紅稠密紫
草用之無疑如見毒盛色嫩鼠粘進之何
害是故三日以前即許遵斯而用循是以
往不可一例而施瘡端放白勢若行漿參
看內外虛實之異酌以溫平表補之宜若
神壯而氣盛能食而便實者痘雖繁密只
用中和表發防其查引結歸芪催膿而已
若精倦而神衰減食而痘陷者毒則繁多
却用重崇補益參芍甘草引歸結為先
立此二方乃作醱膿之具膿胞未滿不可
輕易其方痘或變遷不一另設便宜妙用
至於漿或饒足毒已盡行拘化法當漸進
清涼氣血回元復位不可重崇表補參芍
切勿多食恐胖甚而堆疊故夫便實能食
壯熱而不退者便宜疎利為先升麻葛根
四順清涼便澹減食壯熱而不渴者則以

健脾胃貴本復通導防風芷芍如還內外
症平不必過令服餌直至結痂以後再觀
餘毒有無當疎利便宜疎利當調補急宜
調補身熱煩渴便赤者大連翹飢氣粗壯
熱秘結者四順清涼泄瀉則益黃理中瘡
瘕則升麻乾葛如若別無餘症安養氣血
而已

節制賦

夫病深而藥淺終見無功病淺而藥深反
增他劇勢緩而投急劑急則拂亂其經病
劇須用劫藥緩則援生不及以本藥而治
本病病去便當行別議防變症而用變藥
變症難逆乎將來故偏行補法未必盡焉
怯弱執用辛溫豈應緊是虛寒合用而用
當去而去藥隨病更机用在我故升麻進
於未點之先他非瀉甚而莫投身無壯熱

非字疑訛愚以
當是固字或是要
字

休加乾葛柴胡。臉不煩紅。勿進芩連翹芥。
雍遏只許疎通。投補劑而胸膈減食。內熱
便宜清利。多發藥而表爛瘡疼。熱鬱心煩。
丁桂須知患目。便瀉胃弱。芩連誤用。大吐
傷食吐酸。先宜消導。不食乾嘔。須與和胃。
黃焦熱瀉。溫補豈其所宜。瀉泄清稀。涼藥
總為不合。胃虛弱而補陰。恐增泄瀉。三焦
擁而益陽。慮發狂煩。喘滿便清。雖虛煩而
可補。氣粗腹脹。加秘結而宜通。欬嗽有痰。
切勿亂投。半夏熱沖作嘔。且教慢入。乾姜
氣虛不振。則參芪奏捷。脾胃虛寒。則附桂
成功。設使渴煩喘秘。用此反生。跋扈芩連。
解熱毒於未睥。剋翹清血熱於血胞。若還
勢在行漿。此輩皆為所叱。是故六七日內
不起。保元十奇無禁。八九日外變生。木香
異攻何遲。補法不宜早加。溫藥必須在後。

發散乃作先鋒。溫補總為截陣。遵斯卽制。庶不誤人。

指南賦

人參益內。甘草和中。用黃芪而實腠。得蟬脫以開肌。紅花有活血養血之功。生地有行血涼血之效。痘若乾紅。便宜加入紫草。滑肌通竅。毒擁堪行。熱症賴之。而有益。虛寒誤用。以瘡便。山查善逼瘡疼。能消食積。

無理滯氣於補益方中。且解鬱結於透肌。湯內輕其表而涼其內。功在荊翹。疎其肌。而發其壅。妙存蟬退。利咽喉而清氣逆。能發散而善開。提功必資於桔梗。分清濁而利小便。消毒壅而去膨脹。效莫大於腹皮。川芎引清陽而達表。勿缺於未滿之前。芍藥斂陰氣以濟陽。可多於漿足之後。牡丹皮去血中之聖藥。毒壯熱煩紅。為聖藥。地

骨皮去氣中之毒。毛焦熱甚是良工。官桂有鼓動陽氣之能。神倦而不振者。用之以收實效。丁香有贊助元陽之力。內虛而不起者。得之以奏奇功。木香順氣而理脾寒。泄瀉湯中必用。乾薑療肌而退胃熱。渴煩方內須加。白朮茯苓能健胃。佐參芪而益氣。當歸生地補陰。虛君枳殼而潤堅。解蘊毒於犀角黃連。惟熱盛則前後堪用。定心

煩於麥門五味。有渴症則始終宜加。大附子反本回元。能理虛寒。而收戰慄。天花粉消痰清胃。且收肺氣。以發聲音。白芷疎風。痘毒憑之而發散。紫蘇流氣。實邪賴是以驅除。羌活有蘊毒走表之功。防風有散邪逐毒之妙。姜蚕只利於肌膚損風定痒。如神。枳壳能平乎胸膈。下氣寬胸最速。開膝定喘於麻黃。壅遏憑之而發散。平胃溫中。

於厚朴。腹脹用。是以消磨。龍骨。枯礬。權行
泄泄。猪苓。澤瀉。暫用。安便。乾姜。溫中。氣而
止嘔吐。是以胃寒而虛泄者。宜用。則用。大
黃。蕩腸胃而潤燥堅。是以熱壅而便秘者。
當加。即加。鼠粘。清利。咽喉。透肌。解毒。升麻。
升發。元陽。堪散。瘡癩。柴胡。前胡。解肌。安表。
黃芩。黃柏。退熱。消斑。止嗽。開痰。于貝。母。清
便降熱。於山。梔。牛中。黃。化風。熱而療。顛癇。

成扶危救急之効。龍片。腦。涼心。血而起。黑
陷。有撥亂反正之才。射香。通竅。於毫。毛。上。
能發汗。雄黃。解毒。於臟腑。無可消痰。辰砂。
鎮心。定志。而有養血。涼血之能。珍珠。透裏。
入堅。而解骨中髓中之熱。訶梨勒。斂肺氣。
而滋腸肉。豆蔻。溫脾胃而止瀉。天。靈。人。蓋。
但能發鬆肌肉。過用。則肉裂。皮崩。蟾。毒。穿。
山。寔。可振揚。痘毒。多施。則虛。搗。空。殼。藥。味。

不求於異人。取効每存乎常品。明此一篇
思惟過半。

V
G138.1
L54

1

天花譜史

雲陽邑人冷開泰玄贊甫集

輕重死生預知章問第一

或問曰痘之初出將來輕重死生可預知
乎曰熱輕則痘亦輕熱重則痘亦重一熱
而神氣脫者死曾經大病者死毒盛元氣
衰者死報點大則痘輕報點細則痘重熱
三日出痘必輕一日即出痘必重從唇口

見者痘必輕。從顴額耳輪見者痘必重。神氣清爽者痘必輕。神氣昏亂者痘必重。肌肉明淨痘必輕。肌肉青紫痘必重。陽明症見痘必輕。太陰症見痘必重。凡此者咸可預知也。

死日死狀章問第二

痘之失治也。必至於死。然死之日。死之狀。可得聞乎。曰。鬱而不出。三日死。出而不出。齊六日死。不小長者。九日死。不成漿者。十二日死。此所內攻之症。皆死於十二日也。又毒陷於脾者。瀉而死。壅於胃者。乾枯焦黑而死。鬱毒不解者。喘促而死。火毒未解者。枯黑而死。濕毒未解者。泄瀉而死。此皆理勢之必然也。

疎密輕重損存章問第三

論痘本飲食之毒。藏於脾經。則人皆然也。

而有疎者密者輕者重者生者死者有時
而出百不損一二有時十不損一二亦將
有辨乎曰胎毒之淺深可以知疎密元氣
之虛實可以知輕重歲時之順逆可以決
死生故毒淺而元氣實者則輕而生毒深
而元氣虛者則重而死至若吉年之痘少
而凶年之痘多故百損一二者得其時也
十不損一二者失其時也故
為治者解其胎毒扶其中氣察其歲氣所
謂歲氣者彼此之證相似也彼此乾涸火
鬱勝也彼此吐瀉而肉浮腫者土鬱勝也
彼此枯燥而喘促者金鬱勝也彼此凝伏
者水鬱勝也彼此鬱而不出者木鬱勝也

氣血不分離散問章第四

今見痘之死者多有氣血不分與其氣血
離散此二者何所致也曰氣血當分猶清

與濁親乎上下也。氣血當交，猶陰與陽之
相依附也。今當分不分者，是毒結之也。當
交不交者，是毒隔之也。苟知升陽散鬱者，
何有氣血不分之患？知清熱解毒者，何有
氣血離散之患？失而不治，乃致禍成。何以
救哉？

報點部位問章第四五

世以部位報點以辨吉凶。子曰：非也。今觀
子論從唇口先見者為輕，顴額耳輪先見
者為重。然則非部位乎？曰：是經絡之分，非
部位之別也。夫唇口陽明絡也，痘之標在
肌內，本在陽明，故陽明之絡先見焉。輕他
部先見，以其本經擁毒乃越經而出也。急
宜重散陽明之鬱，庶可安重為輕。今不明
其旨，妄別重輕，又無轉移之法，徒空言是
非，果何為哉？

駁八卦部位問章第六

宋氏以部位分八卦以斷吉凶似亦近理。予以為不然。則聖人無貴於卦象乎。曰。聖人之晝卦。以其神無方而易無體。故假文象以明之。今痘之出也。形已彰而色已露。不曰尖圓吉也。平塌凶也。明潤吉也。慘暗凶也。稀疎吉也。稠密凶也。不以明潤為吉。而泛曰某部吉也。某部凶也。是求聲於响。索形於影。又何取乎。

辨平塌陷伏問章第七

平塌陷伏。均為不振之名。其亦有辨乎。曰。平者不尖起也。塌者脚濶開也。陷者出而復入也。伏者凝而不起也。然則平屬氣虛。塌屬血虛。陷屬中虛。伏為表鬱。此大槩而言也。報點小長大長。貫膿結痂。俱有此四症。難執一時而言也。

夾症問章第八

痘以無夾症為輕。有夾症為重。則痘之夾症。何氣使然。曰。痘之夾症。非有他症夾乎。其間。原夫痘毒壅盛。鬱熱不宣。次則火熱未清。痘毒未解。次則中氣內虛。不能化毒。次則濕熱不滲。余毒不消。故有夾症。觀其標則離而異。察其本則合而同。故驚者狂者。瀉者。斑者。疹者。腰疼。腹痛者。內腫。痘不腫者。水滯。錯喉者。皆毒鬱於中。或陷于脾。或停氣道之所致也。其間有焦紫者。枯黑者。口渴者。煩亂者。咬牙寒戰者。胃爛口臭者。發丁毒者。皆火毒未清。陽明內實之所致也。倒靨者。痒塌者。白陷者。洩瀉者。內攻外剝者。皆中氣虛失於補託之所致也。身熱不退者。飲食不進者。泄瀉不止者。肌肉作瘡。節者。庖害不已者。肌膚臭爛者。皆脾

濕不消之所致也。雖其間有錯綜之殊，乃若互用四法，可以盡之矣。故知夾症亦非他出，能明此者，則思過半矣。

三曰問章第九

或曰：痘之夾症，以四法施之而不應者，其何以故？曰：四法施之不應，必有三目存乎其間也。三目者，六氣外襲焉，外目；驚恐動內焉，內目；衣被過煖於外，飲食過傷于中，又藥餌失宜，調理失節，為不內外目。故善治者，以四法為正，三目為奇。奇正互用，又何症之不平哉！

疔腫問章第十

嘗謂陽滯於陰，則為疽；陰滯於陽，則為癰。又曰：膏粱之變，足生大疔。然則疽癰疔毒，惡候也。今痘不成，癰困已甚矣，而復生疔腫，豈不殆哉！然而反得生者，何也？曰：痘必

成漿乃能化毒、得外洩乃不內攻。凡痘外不成漿者、毒必內攻而死矣。其間又有辨焉。且如痘外不成漿、內有留毒而使神氣不安、飲食不進者、死無疑矣。至若外不成漿、內無留毒、是毒停肌肉、不能達於皮膚而成漿、中氣充實、又不能反攻於內、乃循骨空而出、結為壅腫、為疔毒、於是化其毒而收功也。豈不生乎。

臭爛問章第十一

曰其腐者神竒之所惡也。今痘作臭爛而反生者何也。曰痘必漿膿乃能化毒。今漿不甚濃、毒不尽化、餘毒停留皮膚之間、作爲臭爛而收功也。故臭於外者是毒外洩而無內證、所以生也。

腫毒臭爛同異問章第十二

曰痘漿不滿、餘毒未化、有發腫毒而愈者。

有癰臭爛而愈者其所本者同其所發者異何也曰有輕重淺深之不同耳夫癰腫者是毒停於肌肉也作臭腐者是毒停於皮膚也肌肉屬陽明土皮膚屬太陰經故癰腫者土之象也辛臭者金之氣也是各從其類也曰然則行漿之時而作辛臭者亦為主於肺而辛氣外洩於皮膚乎曰得之矣

審內外精粗問章第十三

曰子之察痘也以審內為精視外為粗二者相參以決輕重子能舍其精而用其粗乎忘其粗而及其精乎曰可夫觀外可以知內者是舍精而用粗也審內可以知外者是得精而忘粗也今夫有痘形色大逆氣血不安不能成漿死可屈指而待也內則神氣清異飲食如常二便無阻是毒氣

停滯肌肉之間。必將發毒作腐。臭而愈矣。今有痘形色果順。尖員明潤。氣附血滯。內症雖以非痘毒。停留臟腑。必為他目。干之。終無憂其變。故曰審內可以忘外觀。外可以舍內。

補托辨難問章第十四

曰。子有言痘至行漿。無分寒熱虛實俱宜補托。以其氣血外化。為膿漿。臟腑空虛。故也。今乃有痘行漿之時。少服參芪。則反增煩悶。此則中氣之過實者歟。抑亦痘有終不可補者與。曰。人之中氣。豈有過實者乎。氣血既化為膿漿。豈有終不可補者乎。所不受補者。以其火毒未盡解也。故服參芪。反增火邪。而作煩悶也。此丹溪所謂氣有餘便是火也。又或陰血虛涸。不能配于陽氣。復用參芪。以助陽。痘血愈涸。而煩悶增。

也。一宜清火。一宜養血。繼以補託。庶無餘患。

辨虛實用補問章第十五

或曰。火毒未解。與夫血涸之症。勿宜遽補。既聞命矣。然必有宜遽補者乎。曰。水滄錯喉之症。是先未散鬱。故毒停氣逆。肺氣不清。此亦不宜遽補也。曰。然則有可補乎。曰。觀其形色而已。形色實則不補。可以成功。形色虛必於補託藥中。重行疎散。與清金之劑。則標本俱得矣。

大人小兒痘輕重問章第十六

曰。大人出痘。與小兒何如。曰。重於小兒。夫小兒抱一未離。無七情之擾。無搖精之患。肌膚柔嫩。真氣內充。所以痘易出而易成。功乃若大人。肌肉外厚。真氣內虛。又縱飲酒漿。溫毒日積。故一出多有腰疼腹痛者。

知有口鼻者矣。有痘滯肌肉者矣。以其肌肉厚而溫鬱熱也。必重用升散使表氣鬆而溫毒解。痘得盡達皮膚。俟其行漿峻加補託。遠煩人以防走泄。方可成功也。

婦人出痘問章第十七

曰婦人出痘何如。曰尤重也。夫痘之成功全藉氣血。氣虛猶可為也。血虛不可為也。女人經事。月所必行。當其行漿之期而經至。吾無措手矣。曰有治乎。曰有。在重養其陽而生其陰。曰生死何如。曰原屬血盈者。生。血虛者死。形症輕者生。重者死。曰必驗何如而生。何如而死。曰經之行也。痘必倒陷。以其根血不尽散為生。盡散者為死也。曰虛之不宜亡血也。固也。今見有痘形色太凶。遇經行而反吉。何也。曰症屬血熱。故熱血去而痘毒解也。經必行於小長時而

非貫漿時是煩也。素必血實故無恙也。

安胎問章第十八

曰孕煩何如。曰安胎為主。曰胎可安乎。曰治之不失其時則胎可安也。夫胎之墮也非血熱則為氣虛。初行升散之則火鬱散而陰得平。次行清解之則陽火消而陰得寧。已無血熱之患。次行補託之則無氣虛之憂。凡百治瘕之藥。投之以時。皆有安胎之用。故胎可全而瘕可保也。曰倘不保何如。為治曰。看在此何時。曰如墮於初出之時則補而升之。墮於小長之時則補而清之。墮於行漿之時則峻補之。務看形症逆順血色何如。以別生死不可忽也。曰孕娠有犯實熱之症。常行攻下。吾恐傷胎不敢投也。曰有故無損。故無煩也。有其寒熱不即攻下。陽火搏陰。血走胎墮無疑矣。故下本

救陰則大黃之屬亦為安胎之藥又何惧乎。

痘瘡入目問章第十九

曰子以痘毒總歸脾胃則肝無病矣。今見痘瘡入目而喪明者往、何也。然則目非肝之竅乎。曰目為肝竅。眾所知也。目中無痘。眾不知也。且目之中曾不能容一塵。而況痘出於其中乎。倘痘果出其中。見點之時。遂羞明流淚而不能開矣。何待行漿時而後開哉。所以然者。陽明熱毒未解。翳生其中。人見之遂以為痘。熱積日深。乃致珠潰潰而復結。乃是痂形。人愈以為痘也。曰翳生其中。不屬肝乎。曰夫痘之出也。連乎四體。遍乎耳輪之與腎囊。則亦謂之腎經痘乎。假使腎經有痘。則與世之論矛盾矣。

曰痘之壞也。不屬肝矣。然則痘之驚搐亦
不屬肝乎。曰驚者陽明主乎驚悸也。搐者
陽明主乎宗筋也。此皆陽明本病。不屬于
肝也。曰何以驗之。是屬陽明。不屬肝也。曰
痘之驚搐。曾聞驚而愈者矣。未聞用乎驚
藥而愈者也。夫發痘之藥。不過升葛。陽明
之藥耳。若果屬肝。則陽明之藥。何以得平
其驚哉。曰痘後之驚。非陽明藥可愈。寧不
屬於肝乎。曰謂之陽明。則不合理矣。曰烏
乎不合。曰原夫痘不成漿。毒不外化。而反
攻於內。出自陽明。反乎陽明。所謂陽明主
乎宗筋。而發搐搦也。故死無治。若屬于肝。
則服平驚之藥。寧有不生乎。

辨痘歸陽明問章第二十一

曰古人驗痘之出。必曰五臟症全。故目赤
目溢。發搐搦者。肝也。面赤腮紅。睡中驚悸。

者心也。呵欠頓悶嘔吐洩瀉。乍涼乍熱者脾也。欬嗽噴嚏聲重流涕者肺也。耳尻俱冷併耳後紅筋赤縷者腎也。此皆的為五臟之形症。今子總歸於太陰陽明者何也。曰嘗聞之有是病必有是藥而後解。今五臟之症見矣。未見古人用五臟之藥焉。其所用不過陽明之藥焉。而其諸症尽解者何也。子獨不見治傷寒之合併乎。二經之病必歸二經藥併服而後解。痘陽明一藥尽可解五臟之症。是仲景拙于治傷寒矣。

痘與傷寒用藥問章第二十二

曰治痘之藥與傷寒不同何也。曰傷寒之邪本從外入驅去其邪無餘事矣。夫痘出於臟腑現於肌膚必待漿膿乃能化毒。必待十二日乃可成功。且痘之藥也過於熱則涸過於寒則凝過於燥則耗血過於潤

則滑腸過於攻則傷其正過於補則壅其邪務在輕清升發之劑不壅邪不傷正乃可用也

不可為併惡候問章第二十三

曰痘亦有不可為者乎曰為於可為之時則從為於不可為之時則凶痘之所出原無死痘失而不治、而不當變為惡候何以為哉曰亦有報點時即犯惡候者必非藥力之所可及也若然者何氣使然曰元氣太虛或大病之餘精疲神困氣弱血虛邪方盛而正已衰所以一見即成惡候也

看花法

氣血毒元氣

頂尖員便是氣根紅活便是血毒則痘中
頂上之黑是也血載毒氣送毒痘毒伏氣
血而發

看痘辨輕重治法

頭面浮腫者屬太陽面目壅腫者屬陽明
無四肢腫者屬陽明無惡寒者屬太陽太

陽用太陽標藥宜輕。陽明用陽明標藥宜重。

表吐下

痘起於標時。外輕者升散之。外重者吐越之。小長時。略下。內攻者死。

闔嘴戛牙

闔嘴者屬虛寒。戛牙屬實熱也。

按餘症豐約

凡痘後餘症。但看原膿之豐約。何如。果豐也。今之為症是虛。屬補益。果約也。今之為症是實熱。屬清解。

攻剝不容岐觀

外剝者形敗。內攻者氣敗。形氣俱敗。生肌息矣。豈可岐為二端。而云失於解成內攻。失於補成外剝。

形色相參

痘之形色既惡。無生意矣。但神清氣爽。能食便調。此責壅肌肉也。未盡出皮表耳。痘之形色既善矣。但內疔疊出者。此責已出肌膚也。內無壅陷矣。所以有內疔者。非擊動風痰。亦新傷之所致。皆非吉論。師曰。現外必知內。現內必知外。其形色相察之謂與。

預驗法

面部第一眼部次之。耳部又次之。假如面吉耳凶。則以面吉為主。其凶處則無論焉。三部俱不犯者。僅一二三分耳。焉甚輕。

治法繩墨

頂白根紅者。氣血分也。在四日上。氣血不分者。後必發癰。頂冲根附者。氣血交也。在六日上。不交則必有安。若至此而窠白地。清起勢勃。靨厚疤紅。則終無安。如或形

色深紅。大熱不退者。則欲發疔也。四日上
總用清法。五日上總用下法。六日上總用
補法。雖遲亦不過八日。大槩繩墨如此。

驗寒熱法

噤牙相乾。聲之微盛。力之微弱。可以驗寒
熱。

發泡

有黑點如火刺者。定然發泡也。中黑陷如
肉。而四弦有細泡尖起者。火刺之形也。

虛實

人身氣血有常。不能自盈於常。而能自虧
於常。其所以盈者。盡壅於氣。而火燁於血
者耳。血過補則旺。氣過補成泡。故真氣奪
則虛。邪氣盛則實。

論眼

封眼在六日半上。此陽氣升提陰盡於至。

陰之分也。未腫過分後必喪明。頭目無瘡者不封。或封總齬即退。

論毒遲早輕重決

毒盛者清解之。清解已盡不繼之以補益。則六日上定有寒戰咬牙之安。灰白色不熱。熱三日而萌。六三日而生。三日而長。三日而痂。始終如期不棄也。少一日則必遲。一日少二日必遲。二日多一日則必早。一日多二日則必早。二日多熱而出者毒輕。少熱而出者毒重。毒重而氣血負者死速。毒輕而氣血負者死遲。

辨能食不能食決生死

將僅半成而身熱能食者將必發瘡而得生。以其毒在內也。身涼能食者將必潰爛而有生。以其毒在皮也。若不能食並內攻者死也。

預決死期

若不能出方交小長期而死稍有一半出者止在小長期完若不能離方交結齎期而死少有一半離止在結齎期完餘可類推。

看神色

七八九日上頭神靜眠安能食全無內証者可語無憂苟形色危惡猶可棄救若神不安睡不寧食不進而又問亂呻吟此安不旋踵必致內攻而死其死生可間壁斷也。

痘按春夏秋冬期日

痘之為言痘也其以十二日始終者六痘之得氣於造化者焉是故三日而出似春而生也三日而大以夏而長也三日而膿以秋而收也三日而靨以冬而藏也古人

命名其有道乎

論夾症

驚

驚發痘前乃為吉兆以其驚屬於陰痘原陰毒今已衝陽而出則無壅鬱之患于內矣治宜發痘驚則自止若痘已齊而驚猶不止痘色順者是兒素有驚疾挾痘熱而為也治宜平驚痘色不順者為有留毒在內為重有熱鬱重散鬱熱有火毒重消火

毒無用平驚。若驚發於成漿之際。乃脾氣
內虛。不能乘載肝木。治宜峻補脾肝。則驚
自止。若痘不成漿而驚發。又痘後而驚
發。多由痘不成功。其毒反攻於內。死不治
矣。若痘已成功。靨厚疤紅而發驚。是外受
風寒。與餘毒相搏。治宜散表。驚乃立平。

狂

狂屬陽明。發于痘前。亦為順候。以其痘毒
一發。即出陽明。而不鬱于脾也。痘標見而
狂自止。若不止者。是熱毒壅於陽明。治宜
散陽明之鬱。若表已和而狂不止者。宜清
陽明之本熱。屬秘堅者。行秘堅。亦有火毒
未解。至於行漿之際。而狂發者。宜清火毒。
若痘色不正。而狂妄不止。初原鬱熱不解。
致毒壅滯。陽明為重。若狂發於痘後者。為
毒不外泄。反乘陽明。多為不救。其或誤服

熱藥而為狂者。宜解藥。盡心有風寒外傳。宜疎風寒。大拉察以痘色之順逆。而別吉凶也。

嘔吐

嘔吐者。初原毒壅於中。不能發越也。但只發痘。不宜止吐。以其吐中有發散之義也。且毒壅於中。而作吐。亦非調脾胃藥所能及。苟以脾胃藥投之。則反增壅滯矣。待痘出齊。其吐自止。如不止。察其胃氣虛寒者。安胃氣。火攻衝者。清火熱。又有過服寒涼藥餌。胃傷飲食。犯胃而作嘔吐者。宜和補胃氣。則吐自止矣。

泄瀉

瀉屬於脾。為毒鬱於脾。不能上達。雖為濕熱下泄。亦有分消之義。故其初出。不宜止瀉。但只發痘。出齊而瀉止矣。如再不止。

宜急止之。佐以升提。恐痘內陷。至于行漿之際。而作瀉。最爲忌也。以其中氣下陷。痘不成漿。氣血隨之而離散。急宜補之。溫之。升之。滋之。以防痘陷。若但瀉而痘形不陷。根血不散者。無防。又有痘外靨。盡內攻而作瀉者。死。至若食積而作瀉者。則糞酸臭。痘色不變。宜行消導也。

咬牙寒戰

咬牙戰慄。陽明候也。始則鬱熱不解。盡壅陽明而然。治宜散鬱。次則陽明火盡。症盛形反似寒戰。咬牙不可擬爲寒症。清去陽明火盡。其症自止。若發於已成漿之際。併痘色灰白者。乃是虛寒。當行溫補。若痘不行漿。并痘後咬牙。皆是痘盡內攻陽明也。

痒

漿

經曰諸瘡為虛。故痘灰白而作痒者虛。氣虛治宜補。記若痘盡盛而作痒者乃原火熱未清。治宜消火。又有漿膿復補不能作痒。所謂痒乃美疾。以其過於茂也。治宜少行清涼。若皮薄涼清盡不化而作痒為重。治宜從疔。若內攻外刺。血散氣離。其痒猛於尋常。抓破全無膿血。乃為死候。又有痘內生蛆而作痒。宜挑去其蛆。痒乃止。

癰

斑屬陽明。初由陽明鬱熱而成。治宜散鬱。次則屬陽明本熱。治宜清涼。秘堅者行之。又若內無秘結。外無鬱滯。而但熱燥陰燥。血、熾而斑。并痘色赤紫。原屬血熱而斑者。俱宜清熱涼血。以升連柏升麻柴胡引紅花好酒煎服。若唇腫口臭者。名為胃爛。發斑。若斑發於已成漿之際。乃虛火遊

行治宜溫補。大拉斑色以紅明者為輕，紫
為重。青藍者死也。以痘色審之。且斑
之一症，原曰未行并散，并未解火毒而成。
苟曾行二法者，必不收功也。

喉痛

喉者肺氣之門也。初緣皮毛不疎，肺氣壅
盛，毒從氣道而然。宜重升散之。次則火毒
上炎而升，作痛。宜清火毒。大拉痘症多有
喉痛者，以其痘生於腭中，傳於咽，未入皮
毛，毒歸於肺故也。是以行漿之際而作痛。
者，宜補託藥中少加清肺。亦有喉內有痘
痘外成漿，內亦作胖而痛者。待痘收靨，其
痛止矣。

喘促

喘之發於痘前也，為風寒外襲，表密不宣。
發而為喘。治宜疎散。次則火盛成形，金不

能為喘。治在清金降火。若喘促發於成漿之際。乃屬脾虛。治宜補中益氣。併收斂肺金。若痘色不順。又不成漿。而作喘促者。由毒內攻。乃為死症候。

發疔

疔者。以其形類疔而名也。其毒陷入肉中。抵不知痛者。乃是若只黑色而不陷入肉中。此乃黑痘。而非疔也。大抵疔毒內火熱未解而成。治宜清解火毒。外以珍珠散塗之。其毒自拔。若痘原火涸。而漿不滿。將安出。疔乃發疔數點。害出膿水。亦是安重焉。輕治宜補託藥中。加以解毒。而塗如前。若見太陽耳門者。或心胸者。皆凶也。

發毒

水泡多由於濕。治宜補脾滲濕。又古人乃先發膿泡。後發水泡。以多為順。少為逆。大

拉以先痘漿未滿足後復登水泡以疹其
毒此亦安重為輕之症必須泡點明潤者
方為吉也若其形類火刺湯洗乃是火毒
熾盛為重治宜清火毒

腹痛

腹痛為痘家重症以其毒鬱於脾也初宜
發痘、出齊而腹痛自止若痘既齊而腹
痛不止者看痘症屬火毒者解火毒屬飲
聖者行秘聖若火熱不退腹疼不止痘色
不正者以其毒下陷於脾不升越也治
宜重升發之若痘色正而腹痛不止者苟
非風寒外襲則是飲食內傷不然則素風
有虫積故也驅虫積其痛乃止

腰痛

腰痛最為痘家所忌以其濕毒下墜侵腎
故也急宜升提使痘出齊而腰疼止乃為

吉兆。若痘有些痛不止。痘色順而無內疔。宜于正治藥中少加行溫。其痛自止。若痘色不順。大熱不退者多。乃謂痘毒下陷也。

痘痛

經曰。諸痛為實。故痘之作痛。多為吉兆。其毒已出之痘。瘡中而正氣又實也。又若表實復補。不能作痛。治者畧察其表。

腫毒

腫毒發於敷點之時。痘既齊而毒自散者。名為兒腫。輕原由毒壅肌內。作成腫塊。痘已出齊。是肌鬱解而腫毒散。痘則亦無阻滯矣。如治亦是散鬱耳。若痘齊而腫毒不散。名為痴腫。以其肌鬱不解。痘必多滯。又氣血歸毒而不歸痘也。治宜重散其鬱。并次解毒。若毒發於七八日間。乃痘漿不

足不能成功。賴神氣實。不使痘毒內攻。乃於骨空間作空毒。此又死中得活之機。治宜補託。加以解毒。若答於太陽心胞耳門之間。并平塌不起。又不成膿者。凶。

水瘡錯喉

水瘡錯喉。初緣毒壅氣道。治宜升散。若已經升散而不愈。而痘色不順者。為重。以其毒壅於中故也。若痘行漿之時。而作水瘡錯喉者。是氣道有癰。作漿故也。待痘收靨。其患自止。

聲啞

聲出於肺。初由皮毛不疎。火鬱不散。肺為之不利。故作啞也。次則火盛刑金。為重。治宜降火清金。次則肺道有癰。至作漿之時。壅塞氣道。聲亦為之不利。又痘成膿之際。并痘後聲啞者。是氣虛。治宜補肺氣。又有

陽

服參茸過多者致嘔治宜清神

痘不腫肉腫

痘不腫而肉反腫者世皆以為死症不治殊不知為陰明鬱甚故也治宜大發陽明其痘乃起而肉腫自消麻黃葛根湯主之

倒靨

倒靨者以其痘之特發而後倒入也多由氣虛毒陷而成再有瀉陷中氣而作視其根竅血尚未散急宜補記庶為復振若其根血散者氣已先離藥亦無及矣亦有風寒外襲而作倒靨治宜溫散風寒痘當後起後作復

黑陷

黑乃火亢陷屬氣虛視根竅血尚紅活者急宜清熱熱無之升補猶可挽回若根竅血死者不治又有虛寒而作黑陷者即宜

溫補。大抵屬熱者始於過赤。屬寒者始於
灰白。故其熱者則黑而焦。寒者則黑而凝。
是其辨也。亦有風寒外襲致痘黑陷者。當
溫寒。寒邪痘復回矣。

焦紫

痘之焦紫。多由血熱而成。治宜清熱養血。
亦有鬱熱不解。并火涸而成。本鬱熱者。散
鬱熱。本火涸者。清火。盡痘則復紅活矣。又
有陽虛外浮。痘作焦紫。反宜溫補之。如焦
而枯。根窠血死者不治。

皮薄漿清

痘以漿膿亮厚為順。而皮薄漿清者。由痘
責未能盡達皮膚。故氣血不交。所以漿清
皮薄也。治宜補託。更無起發。或得膿漿。或
發腫毒。或作臭爛。而收功。若內症重者。多
以其毒有留藏府也。又有氣血虛不能

成漿化毒。故痘漿清皮薄也。治宜補託。催
漿。必時待漿膿。為吉也。又有嬌紅一種。後
心漿清皮薄。治宜補脾。滲濕。有內託者。後
多安洩瀉最久。

空瘡無膿

空瘡無膿。原由氣血未交。痘毒未化。多屬
死症。若無內症。而能飲食者。猶可救原。其
毒壅肌肉。未得達於皮膚。氣血雖未交會。
賴中氣充實。則毒不能反攻於內。宜於補
託藥中。加發散之際。則可安爛而愈。內症
重。必無生理。凡重症。可以回生者。必以內
症全無。而毒在肌肉者。乃可為也。

作臭爛

痘作臭爛。是痘漿不滿。毒不化漿。安為危
逆。賴內症已安。中氣為害。故作臭爛。而收
功也。臭爛兩者。為他症之所忌。獨為痘家

之所宜。以其臭在外。則毒不在內也。治宜
松花散撲之。其爛自收。

外剝

外剝者。毒反內攻也。血散氣離。症外剝落。
內作洩瀉。死不旋踵。原夫濕熱鬱滯脾經。
不能外洩。毒既未能盡顯于皮膚。則氣血
不為之交會。毒不得化而反攻於內也。亦
有不由痘毒鬱于脾經。乃正氣虛不能載
毒外達。致痘不成。膿毒陷內攻而為外剝。
但至此時。其禍已成。終無治法。

害疤

痘既靨。復疤害者。原漿未滿。毒未盡化。停
留皮膚之間。故復害也。治宜補養。少加解
毒而自愈。

注節瘡

其瘡發痘後。陷入肉中。痛不可忍。乃原痘

盡不似停注肌肉極其重也。治宜補託藥中。加入解藥。外以象皮膏貼之。亦能平復。

失血

痘之失血。最爲重候。以痘之成功。必藉氣血。乃有形之物。不能立補。血旣一虛。氣無所倚。故知痘必不能成漿也。且血之走。必緣火盡。內元迫血妄行。以爲無疑。若者痘色血尚紅活。而特附者無咎。独有鼻血。疔反爲毒。以其盡從陽分而出。外鬱不散。乃作衄血。即有發散之義。故輕餘竅見血。并痘疔流血皆止。

可吐

盡壅氣道。滴水不入者。吐之。飲食停胃。鬱遏陽氣。痘色生安者。吐之。鬱熱不宣。痘不起。發者。吐之。痰停中脘。痘鬱不起者。吐之。吐中有發散之義。頗爲痘家所宜。然中氣

虛而表氣泄為所忌也。法用升麻神曲麥
芽梔子豆豉等分而吐之。

可汗

風寒外襲。壯熱無汗。喘氣粗。面目浮腫。
者。汗之。盡氣壅盛。內腫而瘡不腫者。汗之。
風寒外襲者。致痘倒靨者。汗之。盡停肌肉。
痘不成漿者。汗之。痘後風寒。乘虛入表。與
餘火相搏。為驚為狂者。汗之。此皆歸重太
陰。而不在陽明也。但用桑菊尾不同。故有
輕重。有無補。有無辛散耳。

可下

積熱內甚。大便不通。唇裂舌亢。身反惡寒。
致痘不出者。下之。痘一發。熱大便即閉。至
四五日而尤不通者。下之。火熱亢甚。陽明
秘堅。至痘焦枯紫黑者。下之。痘已成功。而
燥糞不去。身熱不退。語訥不安者。下之。下

又解之

為痘家所忌。恐痘毒隨之下陷也。然則當下不得不下。可於下藥之中。佐以升提補託。要使無傷中氣也。凡見積熱形症。一熱即下。遲則不能幹旋。三日即死矣。若其為症。氣粗。聲啞。而喘。面目浮腫。舌上生胎。唇裂。舌亢。大便秘結。毛焦。皮燥。肌膚大熱。惡宜下之。惡熱者。單下之。惡寒者。反下之。下後裏症已寬。但其肌熱不解。或洩泄未止。或痘不現。並絀以升陽散鬱。若下後內外皆鬆解。而痘出快者。不惟忌升散。亦不必清熱解毒也。此積熱之痘。若初尖下。竟與升散。其死無疑矣。原非積熱之症。既行升散之後。四日之間。仍有煩燥。悶亂。渴飲不食。唇腫腹脹。或大便秘結。或瀉青黃汁。水外則身熱乾涸。痘色焦紫。而五日上以涼膈散。以蜜水下之。以救陰氣。六日之上。

好行補託。若四五日間便秘失下。七日上
定安泄瀉而死。師曰。先泄後結。先結後泄。
蓋謂脾經濕熱之毒。內蘊而未解耳。又小
長用參連者。蓋曰火毒燥血。亦下以救陰
之義。又特為劑之輕者耳。

可補

氣虛反白。頂陷不振者。補之中氣。下陷不
能載毒。上出者。補之氣血。交會。外化膿漿。
者。補之氣虛。而漿不滿者。補之中氣。虛而
痘倒靨者。補之脾氣。虛而作吐瀉者。補之
痘之補法。雖多。要皆施於六日之後。獨氣
虛一症。治宜在隨時。不拘於次第也。

可溫

灰白氣虛。四肢厥冷者。溫之。寒戰咬牙者。
溫之。寒氣襲膚。致痘倒靨者。溫之。痘凝而
黑如墨者。溫之。此寒症也。好熱飲者。溫之。

小寒症也。過服寒涼致脾虛腹痛者溫之。

可升

痘毒下陷者升之。中虛自虛不能載毒上達者升之。洩瀉者升之。服藥致痘倒靨者升之。上身痘不起者升之。升為春陽之氣能使痘症生發。首尾不可無也。

可清

火涸痘不起者清之。痘色乾枯焦紫者清之。痘至四五日大熱不退者清之。表症已和諸內症見俱宜清之。火涸不成漿者清之。大拉清涼解毒。痘家大忌。宜在對症施藥也。

可斂

汗泄不固者斂之。滑泄不止者斂之。血散不斂者斂之。漿膿不收者斂之。斂乃秋金之氣。宜行於七日之後也。若斂之早恐毒

收而不尽出矣。歛字雖同。所歛之藥則不同。汗泄者。滑泄者。訶。寇。血散者。為。藥。臆不收者。為。水。澤。瀉。

可水

火涸無漿者。水之。肺燥而痘色枯白者。水之。大渴不止。身熱不退者。水之。務在細、叩之。

占法

烏雀斑難治

青黑斑。多見子。孩。青。聊。可。救。黑。凶。災。太。陽。一。點。稠。敷。出。痘。色。乾。紅。且。陷。灰。

黑霧橫天

青氣青紋。方廣橫。兩。朝。發。熱。眉。間。萌。次。防。水泡。其中。現。起。脹。之。時。瀉。若。傾。

紫髯弓雲死

兩鬢參差見紫紋熱蒸三日報觀分須知
血熱為凶此紫泡斑疔不安云

壽帶紋

山根常見青紋橫痘前吉此搖而驚熱蒸
五日眉間現紫黑驚從痘後生

金果銀

面外白弓裏微黃熱一二日出口傍金盛
出裏應作瀉須知喘渴痘中止

點金苔

黑珠黃點痘難升熱生二日左腮微還知
細碎紅連肉中間匾白泡相仍

楊柳掛青絲

眼下青紋大者憂熱蒸三日見額頭繁多
黑色雞囚狀後發牙疳小者休

楊柳掛青系

下脛或有起青斑須與前紋一掃省痘後

也應痕。觀腐爛曰。惡性命。腦摧殘。

烏雲掩月

黑睛渺、白睛寬。況復行遲。語亦難。一熱太多。願傍見。陷灰紫。黑喘相干。

葉底臥蚕

胞謂眼胞

下胞黑氣。春夏宜。秋冬痊者重。無疑熱。一二日太陰見。疹生痘後。故多疲。

紅絲布地

上胞時有亂紅。點紋熱。二日報準。頭分稀疎。細殼色赤白。後發斑。疔謾喜欣。

桃照清潭

大眇赤紫。肉紋彰熱。二日出。臉之傍。稠密不分。明朗。痘瘡入眼。切須防。

桃照清潭

赤紫之色。見小眇。初微地。闊且云稀。熱未四日。原多吉。愈後。翻驚。胞腫時。

純照清潭

白珠無事帶青黃
熱發三朝腮又紅
瘡出雖稀目色白
虛寒不振舍陰惶

火煉金

白珠帶紅色不如熱發
四日右臉舒瘡出
多敷扁白泡稠密喘嗽痰涎俱

枳刺紋

大青小紫枳刺橫
隨熱地閣耳後萌瘡出
紫密仍痒塌或連黑陷
舍須傾

拍柔紋

拍柔紋從耳後生
眉間報點瘡全輕
熱蒸五日多疑吉
紫重紅輕無安更

穹弓紋

青紋耳後似穹弓
三日熱出地閣中
色雖不順猶言吉
紅赤知之黑必凶

碎細紋

青赤紋生似碎細稀疎之痘吉須知蒸熱
蒸五日眉間見赤印堂中併準馳

披髮紋

披髮紋輕影細微微紅與肉色依稀印堂
報點祇百粒四日熱足吉之兆

拔枝紋

拔枝大紫小而紅有點之時色亦同一熱
隨敷兩耳後須知紫黑陷疔凶

人字紋

紫黑紋如人字彰一熱即出兩頤方定知
稠密成山兆夾疔相千金欲妨

十字紋

青黑紋如十字形痘雖稀朗尚叮嚀熱蒸
三日先敷鬢渴飲頻、命不停

針砂紋

紫黑紋如針入砂熱方一日腋先花中間

白泡瘡稠密色赤須知下腫加

求隱不得則求之顯亦有並見者
詳玩之而自得也

天花譜史

雲陽邑人冷開泰玄贊甫集

見標三日程法

升陽散鬱治毒盛而氣實者查本有防風

升麻一錢 乾葛一錢 白芷八分 川芎八分

甘草五分 葱白為引

升陽散鬱用升麻 乾葛俱錢搗不盡

芎芷八分甘草五 引兕蔥白要須加

升陽藥壅

升麻一錢 乾葛一錢半 麻黃三錢 白芷五分

紫蘇六分 陳皮五分 甘草五分 白芍八分

黃芩六分

葱白為引裏熱者當加石膏此方
治毒壅於胃而致驚狂嘔吐夾斑
夾疹者乃陽明表藥也

升陽藥壅引蔥頭 升一麻黃三倍投
白芷陳耳須共五 葛根錢半六蘇求

升陽舉陷

升麻二錢 川芎一錢 柴胡八分 白芷五分

甘草四分 姜枣澤瀉
如腰疼加行溫藥如防已

此治濕毒下陷於脾而致腰疼腹
痛洩瀉者太陽表藥并痘後腰疼

升陽舉陷湯姜枣 芎一升麻兩倍將
五正八柴耳四數 腰疼已減澤加嘗

毒滯肌肉麻黃葛根湯

麻黃二錢 葛根錢半 白芍八分 甘草四分

黃芩六分 姜枣煎

葛根錢半 麻黃二 芍八 甘草四分

姜枣水煎通口服 毒滯肌肉此能亨

升陽補中

黃芪一錢 人參五分 白朮五分 炒當歸錢半

陳皮五分 柴胡一錢 升麻一錢 甘草三分

姜枣煎此方治灰白氣虛表裏不

實痘出不振乃中氣不足不能載

毒外達也

炙芪參歸朮草升陳 柴胡姜枣照錢分

灰白氣虛痘不振 升陽補中用之君

補中發表黃芩建中湯

人參 黃芩 甘草 桂枝

白芍 姜枣煎

此治發熱。手足厥冷。由其人曾多吐瀉。脾臟虛怯。為惡候。單用發表。反損脾胃。宜補中發表。故無用此方。附升陽補中之後。

桂枝白芍草參芪 姜枣同煎服所宜
發熱吐瀉手足冷 脾臟虛怯此方奇

升陽攻下

麻黃二錢 升麻一分 乾葛一錢 防風七分
川芎七分 白芷五分 大黃三錢 朴硝二錢
黃芩一錢 梔子一錢 木通五分

惡寒發解引加葱。惡熱重下之下。後若裏症已寬。但肌熱不解。或瀉不止。或痘不顯。并繼以升散法。下後內外皆清。痘又鬆快。并散清解者皆忌之。此方治凡積熱內盛。面目浮腫。氣喘聲啞。舌上生胎。毛

焦皮燥肌膚大熱甚則口坑唇裂
二便秘澀身反惡寒者一熱即下
之若失下竟行升散不三日發青
藍斑或失血而死

升陽攻下湯攻實 麻硝較黃三減一
施葛升苓悉一錢 五分通並芎防七
升陽發表

升麻

葛根

羌活

防風各一錢

白芷八分

川芎八分

甘草三分

風寒外襲肌熱無汗頭疼惡寒無
有太陽者于升陽散鬱中加防風
羌活重者加麻黃紫蘇各一錢姜
蔥出汗

升葛羌防川並耳

風寒外襲惡寒干

升陽發表除頭疼

出汗姜蔥引用堪

升陽散火

升麻一錢 乾葛一錢 防風五分 獨活六分

白芍五分

甘草

生熟五分

人參三分 柴胡五分

素有火鬱腮頰常紅手足心常熱
非血熱毒盛而痘有鋪紅者

升陽散火升柴葛 防芍人參并獨活

手足心熱腮頰紅 素有火鬱以斯脫

小長三日程法

清熱解毒

黃連

黃芩

梔子

川芎各二錢

連翹八分 木通五分 白芷五分 并州五分

燈心引查本有牛蒡子并麻

苓連梔子各一錢 並并通各五分間

翹八升旁同入劑 清熱解毒此為先

清涼飲血熱下藥即清熱潤燥飲

當歸

赤芍

耳艸

大黃并加

黃芩

麥冬

升麻各二錢二方加耳草五分

清熱潤燥清涼飲

赤芍歸耳和大黃

升芩麥冬加入內

血熱下藥此為長

清熱化斑

黃芩

黃連

升麻各二錢黃柏一錢

好酒煎

芩芩連升麻各二錢

黃柏一錢好酒煎

清熱化斑宜此劑

管教花痘秀而妍

清熱涼血陽火搏陰血熾為斑或為青紫者

黃連二錢黃芩

升麻各二錢

黃柏一錢

丹皮二錢

梔子一錢

赤芍八分

紫草八分

耳草五分

清熱涼血梔芩連

紫草柏芍并耳

血熾為斑青紫者

火清斑化痘方安

清熱攻下

大黃三錢芒硝二錢升麻一錢甘草一錢

內實便秘者凡內熱不便者外必乾枯焦紫或只燥糞則外不然以此別之陽明胃之裏藥也

黃三硝二升耳一 清熱攻下為便實

涼膈散

大黃

朴硝

連軀

梔子

黃芩

薄荷各錢甘草半升查本乾葛

白芷

竹葉

蜜為引

咬牙加黃連毒壅加山甲麻黃双解之此火邪結實在上而糞滯或瀉清水者用之又緩下以救陰恐驟下陽亦忘耳非陽明本熱之藥也凡升散之後四日之間猶有煩躁悶亂作渴不食唇腫腹脹或大便秘塞或瀉清黃水外則乾枯

焦紫四五日。以此下之。以救陰
氣。六日上好行補託。若四五日上
便秘失下。使溫熱鬱結。七日之上
定作泄瀉而死。所謂先結後瀉。後
結先瀉也。

清熱行溫

大黃

升麻

防已

黃柏

甘草

蒼朮少加

凡原有腰疼腹痛而未曾洩瀉者
此溫毒尚有陷於太陰之氣。五六
日上。雖便澹不實。仍宜下之。以竭
其溫。庶可結終。吉。惟瀉不用也。

清熱行溫已升防

黃柏甘草少加蒼

溫毒尚陷太陰裏

腹痛腰疼行便減

清熱升散

黃連

黃芩

山梔

升麻

乾葛各一錢 白芷八分 川芎八分 耳肝五分

燈心葱白 升裏實加大黃朴硝表

實加麻黃山甲 熱鬱毒未散而

痘色壅滯者當與涼隔散互用

升葛芩連梔各錢 芎芷八分 耳減半

裏實硝黃加用之 表實麻黃山甲換

清地退火

地膚子 黃芩酒炒 地骨皮 乾葛

柴胡 耳草 連翹 鼠粘子

荆芥穗

凡血熱遊走脚地不分用此方

清地退火湯地膚 酒芩地骨柴葛咀

耳草翹粘荆芥穗 地分熱解在須臾

活血解毒

黃芩 黃連 紫草 婦稍

赤芍 蟬退 丹皮 生地

紅花炒

荆芥穗

連翹

甘草

鼠粘子

活血解毒湯芩連

紫草歸稍赤芍蟬

丹皮生地紅花炒

荆芥連翹草鼠粘

涼血解毒

紫草

丹皮

生地

紅花

通木

翹去仁

蟬退去翅足荆芥

甘草

牛蒡子

山查

桔梗

燈心

涼血解毒湯紫州

丹皮生地紅花少

通翹蟬芥草牛蒡

查桔燈心功不小

養血化毒

當歸

芍藥

川芎

紅花

白芷

桔梗

甘草

陳皮白二

生薑

陳米

小紅棗

養血化毒湯固表

歸芍芎紅芷桔草

白陳皮一二分 生薑陳米小紅棗

紫草化斑湯

茜草 紅花 白芍炒 山梔炒

枳實一錢 生薑一片

紫艸化斑湯倍茜 猩弓白芍炒梔安

活血解毒去黃芩 枳實一錢 生薑一片

大壯三日程法

託裏行漿

黃豆一錢七分 人參一錢 甘草五分炙

外無鬱滯內無壅滯毒盡熱清但
氣虛不漿者用此方

託裏行漿參芪草 氣虛不漿用之寶

託裏行漿

人參 黃芪 當歸 桔梗

川芎

白芷

黃連

耳艸炙

山甲

山查

元朱

煨姜

紅枣子

託裏行漿湯託裏

參芪當歸桔芎芷

黃連炙草甲山查

元朱煨姜紅枣子

託裏清熱

人參二錢黃連三錢升麻三錢好酒煎

七八日上火毒未解酒而無膿者

有醬有滯氣虛不漿者用此方

託裏清熱參連升

火毒未解醬滯停

氣虛不漿宜此治

好酒煎來通口吞

託裏補中用補中益氣湯以

人參馬君黃芪馬君

方法與升陽補中同但以參芪馬

君施之於中虛不漿而有陷有滯

者用此

有滯有陷中虛者 託裏補中催漿奇

方同升陽補中法 補中益氣君參芪

托裏溫中

人參五錢附子三錢 姜枣煎服

治陽虛肢厥併寒戰咬牙及四肢
不起脹者

陽虛肢厥不起脹 寒戰咬牙交作焉

人參五錢附子三 托裏溫中姜枣煎

理中湯食生冷或倒靨者

人參二錢 白朮一錢 乾姜一錢 甘草五分

甚者加訶子肉蔻

生冷水伏或倒靨 灸草乾姜參白朮

訶蔻泄瀉若甚者 加入理中湯是訣

託裏攻表瘧滯肌肉不長成漿者

升麻 麻黃 山甲 水煎

瘧滯肌肉漿不長 升麻山甲共麻黃

託裏攻表水煎服 催長漿成滯不妨

託裏發表 風寒外襲致痘倒靨者

人參二錢 麻黃二錢 附子二錢 肉桂一錢

甘草七分 炙 木香三分 姜枣引煎

人參附子共麻黃 肉桂朮耳朮與姜

風寒外襲痘倒靨 託裏發表用之良

託裏攻下

大黃三錢或五錢半但依下藥 升麻 防風

凡當長大或長大期完痘色灰白
形如錫面平塌不平乾涸無漿喉
痛聲啞痰壅氣喘口中流涎不斷
大瀉不止此原小長內失下火涸
無漿或濕熱失行毒陷不起其根
血猶附痘形未剝者並宜大下之
但佐以升麻防風朮其大黃用三
錢或五錢半取託裏其託裏攻表

用麻黃蜜炆要入四錢。更加附子三片酒煎。取外漬成功。此瀉乃濕毒內陷而作。非內攻故不死也。

火酒無漿君大黃 託裏攻下佐升防

蜜炒麻黃加附子 託裏攻表酒煎當

託裏燥濕

人參 白朮 茯苓 防風

白芷 麻黃 山甲

託裏燥濕木苓防 人參山甲並麻黃

託裏生血 補脾養血湯

人參一錢 當歸錢半 川芎一錢 鹿茸一錢

耳草五分 水煎 八人乳服

拈白淡薄血虛不漿者補陰以生之。

拈白淡薄血虛甚 託裏生血起漿良

鹿茸參歸芎耳草 煎加人乳服催漿

託裏升散散

人參

升麻

川芎

白芷

甘草

防風

羌活

姜枣

風寒外_東開無漿

參升芎芷草防羌

託裏升散飲為最

煎引須同粳與姜

託裏潤燥名四聖散

人參

臍帶

鹿茸各五錢射香一錢

共末好酒煎升麻湯下每服二錢

治乾涸不潤血枯不漿者生陽補

血

鹿茸臍帶麝人參

酒煎升麻服二分

乾涸不潤血枯症

生陽補血漿自升

結齋三日程法

補脾滲濕

人參一錢

白朮一錢

茯苓一錢

甘草五分

姜棗煎

脾實則毒不內攻濕清則痘易收
斂

參苓白朮草姜棗

補脾滲濕用之好

補脾解毒一名滲濕收漿飲

人參一錢 白朮二錢 茯苓一錢 白芍八分
澤瀉八分 黃芩六分 當歸一錢 水煎服

木芍藥 人參 澤瀉 當歸 芍藥 補脾
補脾潤燥此治便秘者

人參 麻仁三錢 炙甘草五分 白芍炒八分
當歸三錢 生地二錢 黃芩八分 枳殼一錢

補脾潤燥治便秘 歸芍麻仁人參芍地
八味同煎潤大腸 炙甘草枳殼並入劑

補脾溫中即理中湯

人參二錢 白朮一錢炒 乾姜一錢泡 甘草五分炙

洩瀉甚加訶子肉蔻

人參 乾姜 甘草 訶子 肉蔻 洩瀉甚加益

補脾燥濕

人參一錢 白朮二錢炒 白茯苓錢半 炙甘草五分

防風五分 蒼朮一錢 澤瀉八分 苡仁二錢

白芍五錢炒為末酒調服

參朮蒼朮炙草花 澤瀉苡仁白芍續

補脾燥濕用之強 右研為末酒調服

補脾收陰治瘧不收靨者又名白芍散

白芍五錢炒芍末酒調

瘧不收靨炒白芍 五錢芍末酒調酌

方畧補遺

羌活散

羌活八分 藁本八分 細辛二分 甘草三分

川芎二錢 白芷八分 紫蘇六分

姜葱引煎 托裏發表小長時行

漿時感風寒者亦宜用

羌藁辛甘川芷蘇 風寒感冒用如斯

小長行漿時可用 姜葱煎飲表宜之

獨聖散 治痘四五日遍身紅紫黑陷

山甲一兩 射香一錢 灵仙皮五錢酒洗去毛刺焙乾為末要服三分

紫草 湯下每藥末三分

遍身紅紫痘黑陷 灵仙皮 山甲片

每服三分 紫草湯 獨聖散稱為最驗

當歸散 痘灰白色根窠不紅不活不亮澤

當歸 川芎各二錢 白芍 紅花

紫草各二錢 水煎服

看痘如形灰白色 不紅不活不光澤

紫草 紅花 芍藥 水煎服之色轉捷

奪命丹痘干紅紫黑煩燥悶亂口乾便秘飲湯以

紫草 大黃各二兩半 甘草一兩

用水五碗煎至一碗去渣入蜜再

煎成膏量大人小兒與之白湯下

微利為度

表裏渡解散 痘干夾斑大便不通

升麻

乾葛

赤芍

麻黃

七月黃

防風

連翹

梔子

黃芩

石膏

生地

枳殼

大黃

竹葉二十片燈心二十段加玄明

粉一二錢二次攪服

痘干夾斑大便秘表裏滯解散能濟

升葛翹防梔芍芩麻黃膏芍將軍地

人參散毒散發熱腹痛治之痛止者吉

羌活

獨活

柴胡

前胡

升麻

重下

乾葛

重下

川芎

耳草

人參

茯苓

枳殼

桔梗

人參敗毒散桔梗升葛芍柴茯苓等

枳殼耳前羌獨活發熱腹痛用之審

清金湯治口氣臭

石膏

知母

黃芩

梔子

天冬

麥冬

花粉

木通

兜苓

桔梗

耳草

水煎服

清金湯治口氣臭

二冬掩苓通粉湊

石焦知桔兜耳加

水煎一服能消受

解毒湯

柴胡

黃芩

地膚子

地骨皮

荊芥穗

官桂

金銀藤黃連

陳皮

連翹

耳草

竹葉

燈心

白芍

牛蒡子

半退牛清

半退牛清解毒湯

柴苓膚骨芥純陽

官藤連橘翹耳草

竹葉燈心白芍蒡

解毒湯

人參

黃芪

耳草

芍藥

川芎

當歸

白芷

防風

黃芩

蒡子

黃連

山查

陳皮

木通

木香

半補牛清解毒湯

參芪耳草芍芎當

白芷防風芩惡實 黃連查橘木通香

補脾利水湯

白朮

芍藥

茯苓各錢人參三分

橘皮二分

姜枣

引解毒加下藥

黃芩

木通

補脾利水湯十全

木芍茯苓各一錢

參三橘二東姜引

解毒芩通加更全

清金白虎湯

白石膏三斤

碾碎好清水煮十沸連鍋頓于冷水內待渣沉下用上清水飲之或用煎藥或用下疳調玄明粉小兒三錢大人八錢或一兩或調六一散服以病愈為度 凡痘唇紅臉赤紅口氣熱唇口腫煩躁悶亂尋衣摸床小便大便秘身熱如火發斑詬語一切實熱等症除胃爛發

班不用者無死症方可用

竹葉石焦湯

石焦

枳殼

荊芥

連翹

麥冬

丹皮

山梔

灯草二分

竹葉一分

石焦四兩

水煎服

黃連

竹葉石焦湯枳荊

翹連麥冬丹梔生

灯草二分竹葉一

石焦四兩煎湯煮

清胃石焦湯大渴而胃有實熱

石焦五錢

知母

黃芩

甘草

乾葛各一錢水煎服

大渴而胃有實熱

清胃石焦湯可啜

乾葛知母甘草煎

止渴清胃功足述

補脾清熱湯餘熱不退大渴不止大便秘不實

人參

白朮炒

茯苓各一錢

甘草五分

黃芩

白芍

麥冬各一錢

焦渴不止熱不退

大便不實參朮配

茯苓
苓
芍
草
麥
門

補
脾
清
熱
斯
為
貴

天花譜史

全二冊

ORIENTALIA
CHINESE
G138.1
L54

Y
G138.1
L54
2